


書名 例案全集三十五卷 康熙六十一年序思敬堂刊本  
 撰者 清 張光月 輯  
 卷 卷三  
 內容分類 史-政書-法令-刑案  
 索書號 大木-法類-例案-4  
 編號 B3850500

# 卷三



例案全集卷之一

名例

五刑

[彩色首頁1](#)

[東洋文化研究所漢籍目錄 編號: B3850500](#)  
[東洋文化研究所漢籍目錄所藏漢籍善本全文影像資料庫 索書號: 大木-法類-例案-4](#)  
[漢籍善本全文影像資料庫 例案全集三十五卷 康熙六十一年序思敬堂刊本](#)  
 版權所有: [東京大學 東洋文化研究所](#)  
[使用上的注意事項](#)

人徒流折柳號 現行則例 各例

一 下人犯罪俱依律杖責外其犯徒罪一年者柳號二十日一年

二十五日二年者一個月二年半者三十五日三年者四十日

流罪二千里者柳號一個月二十日二千五百里者一個月二

三千里者兩個月軍罪柳號三個月雜犯死罪准徒五年者

一個月零十五日

犯柳號兩個月者與流罪同




山陰張光月我山甫編輯  
 會稽孫象參升辰甫校訂

例案全集

卷之一 名例

思敬堂

0 1 2 3 4 5 6 7 8 9 2









例案全集卷之三

職制中 目錄

**貢舉非其人**

科場作弊 一

江南辛卯科場作弊 二

北直鄉闈失察處分 四

濫送舉子入場考試 五

貢緣士子父兄治罪并嚴察換卷代做等弊 七

懷挾

不歸號房

倩代傳遞

頂替代考成案 八



滿漢號房分別編坐 九

擾亂科場

科場傳遞併闕阻考 十

試官不公止許赴該管衙門控告 十一

新增科場條例 十二

主考科歛 十四

考官帶王文相公 十五

主考房官御史帶人

開列主試房考

同考不准再充成案 十六

酌增鄉試房考官

順天鄉會外簾及武場房考 十七

試官五日出京 十八

入簾迴避

入簾不說明本經

入簾推託

入簾不到成案

簾官規避

孔姓博士免入外簾


武闈取用簾官 十九

分南北中卷

商灶籍另立鹵字號取中

武闈分南北卷并入簾日期 二十

試卷另編官民字號



革職留任官員子弟仍編官字號 二十二

官民卷分經 二十三

順天鄉試分中具皿字號副榜 二十三

雲貴川廣會試孤經取中

取中五經則例

官板經書 二十五

順天鄉會多條空白卷

掣簽擬題

春秋單題

削去詔詰并策題發問 二十六

出題不拘忌諱 二十七

鄉會試表題不出本年時擬 二十七

出題錯字

取中題目錯出 二十八

錯出題目不稟改

不將題紙全發

進場題目紙折縐不堪

錯寫點名冊

遲送點名冊成案 二十九

錯落題字等項不貼

前場文逾六百五十字

不應貼而貼

錯寫貼示字樣

應貼不應貼





卷面列職名 三十

試卷號印

試卷悞印字樣

受卷悞收

錯印卷號

受卷官遺失試卷

彌封失印條記 三十一

失污試卷

污損洗補

謄錄擅改

謄錄生頂替入場 斷脚筋 三十二

對讀不改

停止取用儒士

選送書役

不選送正身書手成案

填寫卷面錯悞 三十三

卷面籍貫

武生親填籍貫年貌

試官名字 三十四

文體不正

雷同剽襲

字句疵蒙

字句可疑

闖分硃卷 三十五



硃卷遺句

句圈句點

藍筆未點到

對讀用紫筆

藍墨筆添改 三十六

中式卷填名次

遺批取中字樣

落卷令本生閱看

鄉會試放榜寬限直隸江浙等省添設房考

鄉試少中舉人處分 三十七

各省舉人增額 三十八

浙省解額照江南一例加增 四十

會試中式不預定額數 四十一

文闈 萬壽加科

武闈 萬壽加科 四十二

停刊鄉試錄 四十三

闈墨照原卷刊刻 四十四

會墨照鄉墨例刊刻

禁私刻濫選 四十五

出場次日解卷

解卷遲延

欽點官磨勘

磨勘試卷定限 四十六

停止武場磨勘





考試執事官插花筵宴 四十七

鄉會試插花筵宴

武場筵宴等項

樹立題名碑記

試差回京定限

會試舉人起文到部定限 四十八

領文會試不許耽延需索

文武通考

文武生員未經互入文武鄉試者仍許舉行一次 四十九

兵丁中舉會試不中者仍在本營操演 五十

取中武舉不堪議處

武舉會試 五十二

更定武場事宜

武舉不必謄錄 五十三

武舉推選不許會試

告降武舉仍准會試

考試武舉武生 五十四

貢監生鄉試

常平倉捐監在順天在本省俱准鄉試

監生入北關頭年到監肄業臨場錄科送試 續六

監生考試入場 五十四

貢監考課錄科 五十五

生員錄科

以歲考准科舉

一二等作科舉 五十六

監生考課並禁獻詩刻卷

御製訓飭士子文 五十七

卧碑 五十八

衿士劣行 五十九

狗庇劣生

學政十弊 六十

學臣按臨禁革諸弊 六十一

學政條約

申飭學政條例 六十五

考試事例 六十七

學道考試遲延 八十

試差積弊

直隸科歲童生增額 八十二

粵東衛所各另取童生一名

府州縣同日考試陪貢准作拔貢 八十三

精熟成誦優錄併論題出性理 八十四

童子考試四書小學各出一題

儒童正考仍試入股二篇 八十五

武試兼作論孟二題

學臣解冊定限 八十六

學冊分別開送

歲科冊內舛錯駁回改正 八十七

署學道不准考貢





接任學臣報滿限期

舉貢就教俱免 廷試 八十八

歲貢照補廩月日為次序

捐貢名冊令學政衙門每年送部 續一

入監讀書 八十九

給文赴監限期

考過選拔不到監

副榜入監肄業

貢監期滿考職

貢監生有力者捐職無力者交九卿公同考試 九十

貢監生考職不親身赴部處分 九十一

替考職銜成案 九十二

監生回籍准結假票

主考取中冒籍

冒籍中舉

冒籍武舉武生限內檢舉改歸原籍 九十三

冒籍出結

冒籍不首治罪 九十五

北闈中式取同鄉京官連名保結填寫親供送部 九十六


學臣考取冒籍并出結官處分

前官考取學冊未經察出 九十七

前官失察冒籍生員成案

假冒入學

蜀省流寓墾荒准其考試



上司考試并禁冒籍及改歸例 九十八

貴州苗民與漢人一體科舉并土人准用流官

斥革生員改名入學成案 九十九

狗庇仕偽之人出結應試 一百

混行收考

混將病故生員姓名送考 續一

收試奴隸 一百一

欽定四庫全書 卷之三

山陰張光月我山甫編輯

男允修身先校訂

吏例

職制 中

貢舉非其人

科場作弊 現行則例 職制

一

上諭諭禮部朝廷選舉人才科目最重必主考同考官皆正直無私而後

真才始得昨鄉試賄賂公行情罪重大已將李振鄴田耜等特置重

辟家產籍沒會試大典尤當慎重考試官同考試官及天下舉人若

不洗滌肺腸痛絕情弊不重名器不惜性命仍敢交通囑托賄買關



例案全集 卷之三  
節等弊或被發覺或經科道官叅即將作弊人等俱照李振鄴田租等重行治罪決不姑貸爾部卽刊刻榜文遍行嚴飭使知朕取士釐奸至意特諭

江南辛卯科場作弊

刑部爲場後風聞等事該本部會同吏禮二部都察院大理寺會看得左必蕃疏叅吳泌買舉一案准戶部尚書穆和倫等疏稱夾訊革去舉人吳泌供我以買舉之事求余繼祖交與我關節其實有三字等語夾訊據余繼祖供吳泌托我議定銀八千兩我因負炳係葉撫院門生託其往求我將金子一百兩銀二千兩與他看過負炳付小紅封一個內裝關節我給與吳泌等語夾訊據負炳供我初次去見葉撫院因葉撫院不見我受氣不過到曹錦臣告訴其事曹錦臣約了張舜臣會見李啟說他們是布政司書辦我託以吳泌買舉之事言

定銀三千兩在李啟叔丈杜德功家立議單寫在布政使家人軒三名下後因其事不妥向他退議李啟向我說吳泌不中就罷中了舉我執此要銀子我難回余繼祖初三日晚我假充了葉撫院之子江防廳葉于喬家人進葉撫院公館內我向葉撫院說徽州府歙縣歲貢生吳泌係我表弟要求提拔再三求葉撫院就說銀子我是不要的等我便中對房官說你叫本生自己拿個記號來我交與簾官次早我尋李啟在杜德功家寫了其實有三字七篇破題內隨機放在一篇內我照他樣寫了一個當送與葉撫院我將李啟寫的于初七日交與余繼祖轉交付吳泌後吳泌中了舉我就去見葉撫院謝他葉撫院說你令親我託的是涇縣陳天立如今雖中在句容縣房裡還叫他謝謝涇縣纔是我想要給涇縣知縣陳天立銀一千兩因事發不曾謝他李啟說吳泌中了舉要銀兩我只得要掣還原議單給



李啟金子十五錠銀五百兩我共收余繼祖銀五千兩尙欠二千兩未給等語夾訊據李啟供去年七月內張舜臣同負炳到我家來兩次尋我我假說是布政使書辦向布政使內使軒三尋門路令負炳等在我叔丈杜德功家寫了議單後我因尋門路不得只得回了負炳負炳說他另有一個門路向我要議單我沒給關節是負炳與我商議過我寫一個負炳寫一個是實餘俱與負炳供同夾訊據原任房考官王日俞供八月二十日酉時涇縣知縣陳天立到我跟前說其實有三字關節是副主考趙晉託我的後我得了這卷看得文字是通順的我就呈薦上去了就中了我不得銀子是眞等語夾訊據原任副主考趙晉供陳天立是我的親戚他向我說吳泌是我的相與求我中他是其實有三字關節許我五百兩銀子與我房官他自料理我一時沒主意聽了他是我的罪了陳天立死了並未給我

銀子俱各自行招認將趙晉等擬以斬絞流罪具題前來查趙晉係副主考並不揀選高文中式舉人反聽已死之陳天立許銀五百兩擅自聽信將吳泌取中舉人大干法紀爲此情由趙晉應改照丁酉科李振鄴之例應斬立決王日俞存心將其實有關節即便呈薦通同將吳泌取中舉人亦大干法紀王日俞不便照爲從例流應照擬斬立決吳泌余繼祖負炳合依以財行求說事過錢與受財人同科無祿人在法贓一百二十兩絞監候例均應擬絞監候秋後處決李啟合依知人犯罪不虛而恐嚇取財者計贓以枉法論一百二十兩絞監候律應擬絞監候秋後處決吳泌之父吳榮鄧雖不曾與伊子買舉人但平日不行約束應革去考授州同原任巡撫葉九思已經病故原任涇縣知縣陳天立畏罪自縊秦二審係無干均毋庸議未追銀兩均着落負炳吳泌家產照追解部又疏稱左必蕃疏參程光



奎買舉之處夾訊據革去舉人程光奎供去年我在粥廠內認得山陽縣知縣方名與他來往有一日方名來我家見卓上文章本內有孔子登東山一節題目文章他就說內中有幾句文章好我中舉之後去見方名向我說我記得你的幾句文章我薦了主考就中了這也是你的造化我臨別之時方名又向我說我曾借淮安各商銀子八百兩你替我還了罷我答應了到後邊叅了我並不曾代他還先於修理場院時我將我擬的文章本預先埋在場內及至入場後起出過見題目抄寫是實並不曾求人代做關節行賄情弊等語夾訊據革職房考官方名供與程光奎同撩夾嚇問據革任副主考趙晉供我實不認得程光奎亦無關節並借名索謝之事但方名與程光奎平素往來場中明知光奎之文卽行呈薦與串通關節無異將伊等俱應擬絞等因具題前來除趙晉於吳泌案內已經治罪不議外

方名應擬絞監候秋後處決但方名身係房官平素與程光奎往來場內明知光奎之文卽行呈薦取中舉人且又令程光奎承認代還八百銀兩帳目亦大干法紀方名應改擬斬立決程光奎仍照尙書穆和倫等所題擬絞監候秋後處決又疏稱革任主考左必蕃供場內看完了頭場卷子分作十六分一人分八分去加圈點趙晉說他病了叫我多圈兩房我以為真情那知他已藏奸計以為推卸之端又卷面標圈或點幾點以作記是中的原叫趙晉亦記趙晉說他另有記號不標卷上是他奸詭等語左必蕃身為正主考不能鑒別文章好歹又不能隄防弊竇一任趙晉愚弄將吳泌程光奎等卷俱係伊加圈標記以致填寫榜文毫無知覺殊負職掌相應革職再程光奎之父程用昌雖供不知科場之事但平日不能約束伊子應革去貢生等語查左必蕃雖將吳泌等買舉之處場後風聞卽行題叅但



將吳泌文章發刻其實有三字關節內刪去二字殊屬不合左必蕃相應革職程用昌亦應照例革去貢生又查定例內有踰牆換卷代做等弊提調監試官員不行嚴查事發一併嚴加治罪等語將提調監試等官不便照降一級罰俸一年議處應將布政使馬逸姿糧道李玉堂按察使楊索義驛鹽道朱作鼎均各降二級調用康熙五十二年正月二十六日奉

北直鄉闈失察處分

刑部爲題叅事會看得邵文卿首告原任提督陶和氣家人周三之子周啟覓人入場代做文章一案將周三依以財行求律擬絞但已於謀死邵文卿案內擬斬應聽彼案從重歸結周啟亦應照以財行求

律擬絞監候說事過錢之談汝龍高岳受賍之何亮公卽呂夢白錢燦如均應照說事過錢與受財人同科枉法賍一百二十兩絞律應擬絞監候代做文章得銀四十兩之王廷銓照枉法賍四十兩杖一百徒三年無祿人減一等律應徒二年半至配所責三十五板裴祠依不應重律責三十板張聲遠依知人犯罪不虛而恐嚇取財者計賍以枉法論十兩律責二十五板脫逃之金淡菴余雲卿倪在中楊四嚴緝獲日另結談汝龍等各名下所得賍銀等物併邵文卿出首銀二兩零併追取入官失察之受卷所官唐縣知縣李尊瑞謄錄所官無極縣知縣陳明倫各降一級罰俸一年提調李法祖監試楊篤生陳勳阿爾賽石芳桂各罰俸一年再倫養周啟爲子之周八出結之大興縣知縣曹彥棧均應究議但周八已經病故曹彥棧已於別案革職均無庸議等因康熙五十二年二月二十六日奉



旨周三周啟係人奴僕肆行賄賂串通買舉攪亂國家科場大典情罪殊屬可惡俱着卽處斬談汝龍高岳何亮公錢燦如依擬應絞着監候秋後處決李疇瑞楊篤生阿爾賽石芳桂陳勳等俱係專任科場事務官員怠玩疎忽不行嚴察殊屬瀆職俱着革職餘依議

濫送舉子入場考試

禮部爲遵

旨查叅事會議得禮部將未射馬步箭入場考試入格等議處具奏奉旨處處送去之人甚多從何處送去之處俱着查明具奏欽此內閣學士蔣廷錫勵廷儀查出多添送監生于廷鳳史書王澤永朱象萃等四入交部嚴查究擬具奏一案臣等議覆奉

旨這所議甚輕着再議具奏臣等查得供事李滋升等將武英殿行文挖補私添四人送去是真但于廷鳳等四人現在脫逃其有無營求之處無憑查質律載增減官文書杖六十有所規避者罪止杖一百流

三千里等語今李滋升顯有規避情弊應照此例杖一百僉妻流三千里至配所折責四十板筆帖式布賽先供武英殿送來文書冊子隨交與供事李滋升收訖後又照李滋升供將有補字之處告訴過典簿花善不合應將筆帖式布賽革退典簿花善將有補字之處不回明堂官多添于廷鳳史書等四人之處又不查明說堂咨送事關考試不加詳慎殊屬不合查定例官員將情由不報明上司者罰俸一年又定例失察書辦犯贓者該管官降一級留任等語但事關考試理應詳慎乃並不詳慎不便照此例議處應將典簿花善革職侍讀學士薄有德雖供典簿花善將滿文有補字之處並未回明但薄有德竟不查明卽放行移送順天府不合查定例官員將

計冊舛錯或遺漏不奏者俱罰俸一年等語但事關考試不便照此例議



處應將侍讀學士薄有德降二級調用查薄有德有加二級應銷去二級抵降二級免其降調多送考試取中之于廷鳳史書王澤永革去舉人未中試之朱象萃革去監生行文順天府五城九門提督併直隸各省嚴查訪緝拿獲到日質審定擬其順天府府尹俞化鵬疏稱所請作何定例禁止濫送等因查康熙五十九年十二月十八日啟奏議處八格等一事奉

旨這事着照議交部嗣後正經應試之人着照例應試外或係奉旨交給應試之人各該處具題咨送應試亦着應試其未經具題移行咨送者槩不許應試欽此已經行文各衙門遵行在案嗣後各處考試之人俱令各處具奏請

旨令其考試不行具奏不許考試可也康熙六十年九月十七日奉旨依議布賽着發往盛京當差薄有德着銷去加二級再降二級調用

竇緣士子父兄治罪併嚴察換卷代做等弊

禮部爲試差之積弊寔甚等事九卿詹事科道會議得欽奉

上諭大臣官員子弟另號取中案內一欵又張鵬翮疏稱丁酉科場例載在刑部可做而行等語郭琇疏稱榜發之後如有串通作弊者發覺問確考試官革職充發竇緣中式者立置重典其父兄縱子弟作弊亦炤考試官例處分等語相應如張鵬翮郭琇所議嗣後主考同考官有交通囑託賄賣關節竇緣中式事發情真者從重治罪其父兄爲子弟作弊有官者革職提問無官者從重治罪至踰牆換卷代做等弊提調等官巡察題叅從重治罪提調監試官不行嚴察事發一併嚴加治罪之處李光地張鵬翮郭琇所奏俱與部議相符相應仍炤禮部原議至貢院墻垣敵樓責令該管官預期料理務令完固勿得卑矮单薄致有內外交通傳遞等弊康熙三十九年十一月十八



日奉

旨依議

懷挾

一生員入場細加搜檢不許懷挾片紙隻字如違者於場前枷號一個月問罪發落

不歸號房

一舉人入闈領卷之後不歸號舍於明遠樓等處坐立接談及坐號不與卷面字號相對者許巡綽官立刻扶送監試糾叅

倩代傳遞

禮部等爲特叅事會議得內場監試御史尼滿等題叅審據鑲紅旗監生得壽供今年五月內會見江南無錫縣監生章登瀛不時往來臨考時我對他說你若替我做文章考試得中我謝五百銀子進場時

我將卷子交與代做文字是真章登瀛亦與得壽供同查考試舉人進士係國家掄才大典得壽在場作弊賄囑章登瀛代做文章章登瀛受賄囑代做大干法紀不便照律治罪應將得壽革去監生枷號三個月鞭一百發往伊蘭哈喇三姓處當差將章登瀛革去監生不准減等枷號三個月發烟瘴地方充軍至配所責四十板據直隸慶雲縣生員劉夢麟供我進場時遇見我哥哥劉夢熊問起知他在前號題目下來做了兩篇文章夾在秫稽上從牆裡石灰磚縫中遞與哥哥看被號軍拏住並未預先告訴要我哥哥看文章等語劉夢麟身係應試之人將文章隔號欲遞與伊兄有違科場條例應將劉夢麟革去生員不准減等徒三年至配所折責四十板劉夢熊供我進場時遇見兄弟他問我坐甚麼號我說在結字八號告訴是真我並未要他文字看不知他爲何將文字要我看等語劉夢熊雖供不會



要兄弟文章看劉夢麟文章雖未曾遞到他跟前但夢熊將所坐號房告訴夢麟不合應將劉夢熊革去生員不准減等責四十板康熙五十三年十月初七日奉

旨依議

頂替代考成案

刑部看得河間府青縣民孫一達與童生鳳翔頂替代考查定例內生儒入場細加搜檢如有懷挾片紙隻字者卽于舉場前枷號一個月問罪發落如有僱人代進考倩代與受代之人俱一體枷號問罪等語應將孫一達照此例枷號一個月係民責三十板鳳翔係旂人鞭八十康熙四十三年九月奉

旨鳳翔孫一達俱發往白都納餘依議

滿漢號房分別編坐

禮部爲敬陳科場等事會覆御史鄭惟孜條奏查康熙

年鄉試滿

洲蒙古係作滿文考試其主考官俱開列滿洲蒙古官員具題

欽點入場故不與漢人同號至康熙八年鄉試滿洲蒙古俱與漢人一體作漢文考試將滿洲蒙古編滿字號漢軍編合字號此例遵行已久且順天鄉試場內各項字號試卷面印號官信手拈印印得某字號者卽坐某號以絕連號之弊雖場內試卷有南北之分而南北之人並未令其各號且監試等官不時巡綽甚嚴若果有買求連號場中代作之弊監試等官豈不糾察應將臺臣鄭惟孜所請八旗號房宜與漢人隔別之處毋容議康熙二十二年六月奉

旨八旗號房着與漢人分別編坐

擾亂科場

刑部等爲題參事會議得御史尼滿等參送附生傅良璧等擾亂科場



一案夾訊傳良璧雖供我正在號內打掃忽聽外面說號軍打了士子因未封號我出去看時有許多人談論我年幼無知也說了幾句後大人們把號軍打了吩咐各歸本號各人俱歸號時府丞說你們做秀才的如何這等糊塗為何又來稟告甚是混帳我聽見就說我們原為求榮大人們為何說我們糊塗混帳豈有容號軍打士子之理因此手扶柵欄與大人回了幾句原是有我並沒有帶十數人扒上柵欄叫眾人繳卷若不繳卷扯卷子擾亂科場的事等語看此傳良璧在科場內叫眾人繳卷若不繳卷扯碎擾亂之處是真若不嚴加治罪無以儆後傳良璧應擬絞監候秋後處決浙江嘉興縣秀才錢燦越號與伊弟錢煌要藥鑲白旗廷柱佐領下秀才秦保因伊師錢燦被號軍推跌致傷到至公堂稟告責打號軍梁茂雖供未封號以前但點名進場不在各自本號靜坐任意別號行走將已完之事復行稟告不合錢燦秦保均革去秀才號軍梁茂將應考士子推跌致傷亦應治罪已經監試官柳責完結錢煌審係無干無容議可也康熙五十三年十一月初四日奉

旨傳良璧依擬應斬着監候秋後處決餘依議

科場傳遞併闕阻考

刑部為題叅事該本部會同吏部會看得潘英等科場作弊一案先據江南江西總督常鶴將號軍哈六等審擬軍徒杖罪具題臣部以科場大典內外俱有巡綽官員哈六係場內號軍何得內外串通打牆挖洞傳遞作弊至于生員鄭起佳喧鬧阻考亦必有因承審各官並不審出情由止將哈六等擬罪草率完結不合駁令該督再加詳審定擬具題去後今據該督疏稱號軍哈六等包攬傳遞有潘英家人陳善引進議出銀三十兩約為傳遞以半個銅錢為記又李鰲鳴丘



九甘子玉轉與哈六商量議銀三十兩約爲傳遞以畫葫蘆爲記又汪元楨係駱成屠雲生說合議銀二十兩約爲傳遞以畫八角爲記哈六將題紙捲付哈八從牆隙遞與更夫陶龍卽被巡綽拿獲巡綽官役並無跡忽哈六等亦無勾通之事至于鄭起佳喧鬧阻考因表弟胡承珏二場悞帶頭場草稿犯規柳示伊以親誼相關喧鬧求寬委無別情將哈六等仍照原擬擬罪具題前來除劉次庚未獲之前在外病故齊五吳疤膊取供後在監病故均不議外哈六合依旗軍夫匠人等受財代替傳遞者旗軍發邊衛充軍律應僉妻發邊衛充軍至配所杖一百折責四十板哈八陶龍雖未受財但係科場作弊應將哈八陶龍各枷號兩個月責四十板潘英李鰲丘九甘子玉俱合依以財行求及說事過錢者皆計所與之賍與受財人同科三十兩者杖八十徒二年無祿人減一等律應各減一等徒一年半至配所杖七十各折責二十五板該督旣稱得二十兩之汪元楨駱成屠雲生合依杖六十徒一年無祿人減一等律應各減一等杖一百各折責四十板謀詐代筆之潘方吉汪元豐謀而未經傳遞之陳廣陳六趙二倒換腰牌之魏二陳玉吳四並潘英家人陳善任茂俱合依不應重律杖八十各折責三十板潘方吉驗係廢疾任茂年逾七十各照律收贖喧鬧阻考之生員鄭起佳應照律杖一百折責四十板褫革已經發落均毋庸議哈六等所得賍銀俱各照追入官脫逃之陳虎周維三嚴緝獲日另結等因康熙五十八年十月十七日奉

旨依議

試官不公止許赴該管衙門控告

禮部爲遵

旨會審事本部會同吏刑二部議得巡視北城御史舒庫等疏稱有不知



姓名多人口稱下第舉子擁至今次會試副主考都察院左副都御史李紱門首嚷鬧併將大門窗戶打壞而散一案審據李紱家人劉替供三月初九日有下第舉子口稱我們文字有甚不好爲甚麼不中我說你們若中的不服往九卿班上去告不必來鬧我們我見他不論道理我就進去了屏門也不知是擠倒了不知是打倒了初十日復又來嚷鬧看中間一半像讀書人一半穿短衣服的不像讀書人內無認識之人等語打鬧之下第舉子未經拿獲無憑質審相應行文五城順天府大宛兩縣并直隸各省務期嚴拿獲日質審定擬具奏外李紱身爲憲臣有參奏之責下第舉子並不往同考的三主考家打鬧止往伊家打鬧李紱理應卽拿參奏連日至伊家打鬧竟匿不奏

聞殊屬不合查舉子等並不往同考的三家主考打鬧連日只往李紱家

打鬧有玷官箴應將左副都御史李紱照溺職例革職嗣後鄉會試榜後考試官有不公之處許下第舉人生員據寔赴該管衙門控告若有聚衆竟往考試官家打鬧似此等惡習令該地方官卽行嚴拿送刑部從重治罪可也等因康熙六十年六月初八日奉旨李紱着革職發往永定河効力餘依議

新增科場條例

禮部爲敬陳科場等事九卿會議得禮部具題內場監試監察御史尼滿等疏稱順天鄉試舉子入闈俱穿厚重衣服所帶坐凳儼同箱籠雕空夾底不可窮究且行李沉重難以搜檢爲期迫促恐悞點名只許穿拆縫衣服單層鞋襪只帶籃筐小凳食物筆硯等項其餘別物令外場監試御史截留如有不遵不許入場則夾帶文字之弊可杜等語應如該御史等所奏嗣後考試舉子入闈俱穿拆縫衣服單層



鞋襪只帶籃筐小凳食物筆硯等項其餘別物在外場留截如違立拿照科場例治罪又疏稱舉子進院多在龍門擁擠接談任意上下行走巡綽等官雖嚴行督催置若罔聞及至臣等公同逐一清查押歸本號此入彼出顧東失西所以換卷代作易滋諸弊也嗣後除巡綽官照常派出外或叅將遊擊添設一員八旗每翼添設叅領一員章京二員一體入場坐明遠樓前漢人則責成營官旗人則責成叅領務令舉子照卷面字號押進號舍督同封固不許私從柵欄逸出違者立拏題叅至代作傳遞夾帶等弊每多號軍頂冒入場易於作弊嗣後號軍應令提督衙門嚴飭該營官員務選正軍每十名內以一人爲號頭將號軍面用印記造冊送入如有冒充作弊事發將該管官議處治罪等語應如該御史等所奏嗣後凡考試移咨兵部將巡綽營員照常派出有子弟入場者應迴避不派外或叅將遊擊添

設一員每翼添設叅領一員章京二員同考官一體入場坐明遠樓前公同御史管理漢人責成營官旗人責成叅領等務令舉子照卷面字號押進號舍督同封固不許私從柵欄逸出叅領營官三場若管理不嚴任從出入號房彼此往來事發將該管官議處治罪號軍移咨提督衙門嚴飭該營官員務選正軍每十名內以一人爲號頭將號軍面用印記預造簡明檔冊送入該管處如違事發將該管官議處治罪又疏稱向來鄉會試諸生交卷領卷照出止於申酉二時今相沿陋習成羣出號徹夜交卷不止不至四鼓不休其間或換卷往來或匿卷混出俱未可定恐有宿場諸弊將不完卷士子勒令出院貼示外嗣後應確遵舊例天晚不准收卷卽行封門仍行提督衙門照常禁止夜行則諸弊肅清等語應如該御史等所奏嗣後凡考試天晚不收卷卽行封門如違將應試舉子照科場條例治罪將該



管官照徇情例議處治罪臣等又增議得一文章在外抄成底子或隔牆傳遞或從食物夾帶窩舖挖空等弊皆由巡綽官疎忽所致嗣後貢院內隔斷牆垣着令高堅修築窩舖蓆棚不許挨牆搭蓋交與巡綽官員令兵卒晝夜傳籌巡查如有將牆垣不行高堅修築令御史將該管官題叅治罪如進食物內外御史各應細檢放入如不嚴查此等弊發將作弊之人嚴審從重治罪御史及巡綽官亦行議處一謄錄書手對讀生員原因地方官該學政選擇正身照例呈送近有不肖之人假充謄錄對讀頂冒入場代人作文本生夤緣書吏或暗遞白卷或偷竊預備空白卷給與代作之人作文或閱他人佳卷抄寫種種等弊不能盡述嗣後所備空白卷交與外監試收貯如至公堂有用處候行文給發應用此等弊發將代作之人併央求代作之人及知情容隱通同夤緣之人俱嚴審從重治罪其原送官員及

所官酌量情弊治罪一太醫院咨送本衙門肄業生員考試或本生並非監生生員頂冒姓名入場考試者皆由不在本省起文無憑稽查嗣後無論太醫院及各館有應考科舉之監生俱於各官處具題移送到日准其考試其在國子監肄業監生許照例考錄送考其在本省監生令在本省考試有情願進京應試者於鄉試前一年本省印文到部扎監入場違者照例議處一各省揭曉之後中式舉人原係到學政衙門面填親供送禮部查對墨卷筆跡近來舉子不到學政衙門填寫親供往往發至州縣填寫不及時解部以致筆跡真偽無憑稽查嗣後各省放榜後地方近者限一月遠者限兩月京城限十日俱令本身到學政衙門填寫親供送部不許私發州縣填寫如逾限不填寫親供舉人不准會試其親供不能與卷子一同解到俟卷子解到日期為始地方遠者限二月近者限一月京城限十日即



速送部仍交與磨勘試卷九卿對墨卷細驗筆跡如親供逾限不卽送部者禮部將學政題叅照例議處俟

命下之日載入科場條例內通行八旗直隸各省遵行可也康熙五十三年十月三十日奉

旨依議每翼派遣都統一員副都統二員督理稽察

主考科歛

禮部爲請禁科場陋弊事切惟鄉試取士爲國家求賢大典差出正副主考應督率同考各官協心至公掄選真才以副

皇上簡用至意斷不可稍存私弊及苟且畢事其磨勘試卷之條歷經題定在案今聞主考畏懼磨勘揭曉之後通同監臨提調指稱名色彌縫打點有歛派簾官需索舉子等情若無私弊不取劣卷何懼部科磨勘乎相應概行行文各省督撫以及差出正副考官嚴行禁止倘有此等苛歛名色事發卽將正副主考監臨提調各官一并治罪康熙二十六年四月二十九日奉

旨依議

考官帶主文相公 續增則例 禮

一考官私訪聚談薦卷私通小帖所閱硃卷私帶入房主考同考暗帶主文相公跟入內簾將硃卷埋藏偷換凡係場內目擊情弊御史容隱不行指名題叅如有別經發覺相應將在正副考官前滿漢御史俱各降二級調用

主考房官御史帶人

康熙十八年二月禮部覆憲臣魏象樞疏今後主考各帶三人同考各帶二人御史各帶二人寫本筆帖書役各一人再不許一人出入等語相應于進場之時御史炤定數搜檢放入御史所帶筆帖式亦帶



一人場內在會經堂與御史一處歇宿如正副主考同考暗帶主文相公假粧僕從跟入內簾者御史察出將本官交與吏部從重議處其跟進之人交與刑部從重治罪

開列主試房考

禮部爲試差之積弊日甚仰請

睿鑒除弊清源以肅學政事九卿詹事科道會議得戶部給事中滿普請除鄉試之弊一欵查禮部原議直省鄉試將應開列官員遵 例照常開列外仍將進士舉人出身三品京堂官以下等官一併開列等語今李光地疏稱各省或可仍由舊章惟順天應如部議將三品以下開列差遣等語張鵬翮疏稱鄉試考官將侍郎學士京堂翰林科道部屬等官由進士舉人出身者無論已未典試通行開列等語相應將直省正副主考除應開列官員照常開列外如張鵬翮所議將侍郎學士京堂翰林科道部屬等官由進士舉人出身者無論已未典試通行開列又查禮部原議京闈房考將滿漢進士舉人出身之員外主事中書行人評事博士內閣中書國子監助教直屬之同知知州知縣守部進士盡行開列等語今彭鵬疏稱進士舉人同一科甲同一守部盡數開列等語嗣後相應將守部舉人與守部進士一併開列康熙三十九年十一月十八日奉

旨依議

同考不准再充成案

禮部爲科場簾官之制宜加變通以收實效事議得貴撫劉蔭樞疏稱鄉試已入內簾者不許再入鄉甲二科各省之中原無多人除已入內簾者則可用者寥寥數人而已徵取外省教官道路遙遠盤費艱難且做教官者皆遠科舉人不能甄別文字臣請嗣後不論已未入



簾皆得調取省便簡易有濟實效等因具題前來查四十一年原任廣撫彭鵬題請嗣後鄉試一槩不許重入內簾等因具題奉

旨准行在案今查科場條例內開各直省房考本省甲科屬官如不足聘隣省甲科官及鄉科教官等語此例遵行已久不便紛更應將該撫所請嗣後各直省鄉試不論已未入簾皆得調取之處毋庸議康熙五十四年二月十二日奉

旨依議

酌增鄉試房考官

禮部爲科舉事該<sub>臣</sub>等議得浙江巡撫趙申喬疏稱浙江同考官舊例共用一十三員查應試士子每科不下萬二千人以三場合計之每員應閱二千餘卷雖責以悉心校閱其勢有所不能請自壬午科爲始除春秋禮記不添外其易詩書三經各增房考一員共用一十六員閱卷之官既多則分卷之數自少庶各官得以悉心校閱而入闈士子咸沐

皇上造就之恩於罔極矣應否通行各大省酌增房考二三員洪恩出自聖裁等語應如所請增加房考三員至所請各大省俱酌增房考之處應行各省如有試卷數多房考不足者該撫酌量增加題明其所用供給等項卽於科場經費定額內支銷無庸另添可也康熙四十一年閏六月二十六日奉

旨依議

順天鄉會外簾及武場房考

禮部覆臺臣鄭惟孜疏嗣後順天鄉試外簾應如所題停其開列本省教官將貢監出身之州縣等官開列多人恭候

欽點又會試外簾執事等官共用二十四人向來止開光祿寺順天府國



子監等衙門各官查人數太少嗣後會試外簾應如所題將在部候選候補內外七品官一併開列恭候

欽點又順天武場房考止開中行評博人數太少應如所題將進士舉人出身之員外主事中行評博內閣中書國子監助教等官盡行開列恭候

欽點等語查順天鄉試外簾俱無用教官之例仍照禮部所議順天鄉試外簾停止開列本省教官將貢監出身之州縣等官開列又查例內會試外簾用光祿寺等官武場房考用中行等官行之已久俱應無庸議其會試外簾武場房考果有人數太少之處臨期聽該部將應開列之員開列請

旨可也康熙四十年六月奉

旨依議

試官五日出京

康熙二十九年五月

禮部覆工科何楷題嗣後各省典試官

命下後應限五日內起程如有故違不行者許科道官指名題叅交與該部嚴行處分

入簾迴避 欽定則例 禮

一定例官員會試鄉試有主考同考官族中兄弟伯叔應試預先不行說出迴避入簾者革職

入簾不說明本經 全上

一官員將自中本經不行說明或非本身所中之經稱為本經入簾者降二級調用

入簾推托 全上

一官員奉取移文入簾推托不赴者罰俸一年

入簾不到成案

一康熙二十九年十一月吏部疏稱順天府鄉試入簾不到各官據直撫郭世隆開報職名前來應將任縣知縣賀 勛等照例罰俸一年

簾官規避

續增則例

禮

一鄉試舊例內簾用京官外簾用科目出身知縣教諭今內簾俱用知縣恐外簾科目出身者不足用其外簾官相應將科目及正途出身知縣教官一併收用倘有推托規避者順天府指名題叅仍照定例罰俸一年知府徇私不行察報者罰俸六個月

孔姓博士免入外簾

禮部覆臺臣江 蘩題嗣後凡外簾執事將孔姓博士孔尙鉉孔尙仕免其開列具題康熙二十四年四月奉

旨依議

武闈取用簾官

兵部覆科臣汪晉徵題武闈鄉試定例在京欽點主考官出題在外巡撫出題等語是巡撫監臨總任其事至監射衡文者俱聽其酌定遴選委用遂至各省參差不一嗣後應令該撫總任其事至衡文一事順天武闈鄉試同考閱卷官于中行評博內進士出身者取用四員各省亦當于有司中進士出身者取用四員如無進士出身之有司仍於舉人貢生出身各官內選用學道職司考試入闈皆其所錄似不宜仍假以進退人才之權等語應勿令學道入闈衡文康熙二十四年五月奉

旨依議

分南北中卷

順治十八年三月

一江寧松江蘇州常州鎮江徽州寧國池州太平淮安揚州十一府廣



德一州仍爲南卷山東山西河南陝西四省順天保定真定河間順德大名永平廣平八府延慶保安二州奉天遼東大寧萬全等處仍爲北卷四川廣西雲南貴州仍爲中卷如南北中舉人數均則中數亦均如其卷名若干名則照數多中若干名不必預定南北中各數以合舊例奉

旨依議

商灶籍另立鹵字號取中

禮部爲頂冒實科場之大弊等事會議得刑部右侍郎王景曾等疏稱商灶衛學鄉試另編字號每一百名取中一名既中之後卽改回原籍起文會試等語查長蘆等處爲商賈雜處之地商人一經辦課灶戶一經煎鹽卽入籍考試易致頂冒嗣後鄉試應另編鹵字號令學臣將商灶籍生員另造具清冊送考每五十卷取中一卷其所取中

卷總在貝字號一百零八名數內中後卽行改回原籍至于保定等衛軍戶屯種納糧歷年甚久卽係土著不比商灶籍附居之人相應仍照舊例考試但恐不肖之徒改名易姓假冒衛籍亦未可定應嚴飭該府縣及教官查明出具保結中式後有頂名冒籍等弊將頂冒之人亦炤假官例治罪送考及出結官員俱炤狗庇例處分保廩黜革康熙六十年十二月初九日奉

旨依議

武闈分南北卷并入簾日期

兵部覆臺臣沈愷曾題嗣後武闈於頭二場合式後試第三場策論分編南北字號將直隸山東河南山西陝西定爲北卷北人習諳弓馬者甚多應取中五十名江南浙江湖廣江西福建廣東廣西貴州雲南四川定爲南卷應取中五十名再查武會試定例監射大臣於初



九日下場考試馬步箭技勇至十三日十四日主考知貢舉官入簾十五日考試策論今既舉子填寫親供投遞冊卷造冊編號點名止十四日一日匆忙辦事不無錯悞嗣後武會試於初六日筵宴監射大臣等官于初七日起至初九日止考射馬箭初十日起至十二日止考射步箭技勇十三日筵宴主考知貢舉等官入簾十四日外簾各官編號點名十五日考試策論康熙三十三年十一月奉旨依議

試卷另編官民字號

禮部爲試差之積弊日甚等事九卿詹事科道會議得欽奉

上諭大臣官員子弟另號取中一欵查大臣官子弟臣等原議酌量卷子多寡炤額分派取中如民卷一百卷取五卷則官卷二十卷取一卷今廣撫彭鵬疏稱各省仕宦多寡不齊若與民卷較數則不足者每科無子弟入殼之思而有餘者每科占孤寒登進之路恭繹

上諭另編字號各分定額取中有另字各字之分廷臣無另字各字之議相應如彭鵬所議遵炤

上諭鄉試會試俱各分定額取中查滿合字號大臣官員子弟居多應炤臣等原議如民卷一百卷取五卷則官卷二十卷取一卷其直省漢人仕宦多寡不齊不便與民卷較數如定額十卷民卷取中九卷官卷取中一卷各以定額照數分別取中如零數不及一半者不准取中其副榜亦炤此算入則勢家子弟自不致有碍孤寒矣其各省鄉試官員子弟或止數人者應如郭琇所議不必另編官字號其會試雲南貴州四川廣西四省臣等原議以額少不必另編字號今張鵬翮疏稱江浙等省既編南卷山陝等省既編北卷又將此四省各編字號卷數甚少分晰太明不肖考官易查關節應將此四省編入北



卷等語嗣後會試時相應將四川編入南卷內其四川由監鄉試者亦編入南卷內俱一體分別編官字號照額取中再查會試定例雲南雲字號取中一名貴州貴字號取中一名廣西廣字號取中一名相應將雲南貴州廣西仍照現行例取中不另編官字號其鄉試盛京夾字宣化府且字四民學耳字甘肅聿字寧夏丁字不另編官字號及官字號不及分經之處照臣等原議又臣等原議現在文武大臣以下京官七品有職掌官以上武官佐領以上外官知縣守備以上俱編官字號今郭琇疏稱應編官字號者惟如科臣慕琛奏內在京三品以上及大小京堂翰林科道吏禮二部司官在外督撫提鎮及藩臬等官其餘不必編入彭鵬疏稱內外文武官員子弟入試俱照現在四品以上已故者不必編號相應將在內文武京堂以上及翰林科道吏禮二部司官武官叅領以上在外文官藩臬以上武官提鎮以上之子孫及同胞兄弟并同胞兄弟之子不論官貢蔭監生員俱編爲官字號若已故及降革者不必編入其另入號房考取之處應仍照臣等原議康熙三十九年十一月十八日奉  
旨依議

革職留任官員子弟仍編官字號

禮部爲科舉事康熙五十六年八月准到部咨內開准江撫吳存禮咨稱今歲丁酉文闈鄉試其革職留任之員子弟應否仍編官字號無從考定咨請示覆等因前來查革職留任之員與革職離任者不同相應咨覆該撫一體編入官字號應試可也

官民卷分經

禮部爲科舉事康熙四十一年閏六月二十一日准部文內開據浙撫趙申喬咨稱查條例開載如定額十卷民卷取九卷官卷取中一卷



零數不及一半者不准取中今科應否於定額七十一名之內民卷取中六十四名官卷取中七名副榜十四名之內民卷取中十三名官卷取中一名等語查九卿原議官民卷各分定額取中官卷零數不及一半者不准取中今浙江省正副榜應如該撫所議炤額分別取中又稱官字號不必分經其民卷五經取中原額自應減去十分之一應否于易經減三名詩經減二名書經減一名春秋禮記二經減一名等語查九卿原議官卷不分經自應于民卷五經原額內各照定額均減又稱在內文官京堂以上子弟應編官號是否自左通政叅議大理太常太僕光祿寺少卿鴻臚寺卿府尹府丞祭酒司業等官以上等語查大理寺寺丞鴻臚寺少卿與左右通政等官俱係京堂其子弟俱應炤九卿原議編入官號其丁憂候補告病告老休致各官及降級官員內仍在應編官字號之列者其子弟自應編入官字號其硃墨卷面俱應用硃印戳記試卷面上應令本生于習某經之下填寫官字號字樣至九卿原議官員子弟另入號房考試其應編何號房及閱卷官作何分卷收卷彌封謄錄對讀或仍各從各經之處俱應聽該撫酌行相應咨覆該撫并通行直省可也

順天鄉試分中員皿字號副榜

禮部覆臺臣鄭惟孜疏順天副榜定額二十六名向緣員皿字號未分定副榜名數故有偏多偏少之處今應如鄭惟孜所題將此名數分中員字號副榜十六名南北皿字號各中副榜五名等語查順天鄉試員字號取中八十名南北皿字號取中五十七名夾且字號共取中五名其中應中副榜二十六名至查員字號南北皿字號取中副榜向來只以佳文取中原無分定額數嗣後如有意爲多少取中公之處自有定例處分亦無容議康熙四十年六月奉



旨依議

雲貴川廣會試孤經取中

禮部覆吏科樊咸修疏嗣後會試雲南四川廣西貴州此四省春秋禮記二孤經若應試之人多則仍照現行例如應試人少則合左右分經計算按數取中倘仍不足數則合二孤經總算擇其文之佳者取中一名康熙三十三年五月奉

旨依議

取中五經則例

禮部爲士子篇數違例等事外場監試監察御史節什等疏稱江南監生莊令輿做四書三篇又做五經二十篇共做二十三篇真草俱全又浙江監生俞長策做四書三篇又五經二十篇共謄真二十三篇稿七篇以違例貼出兩生五經並做篇數繁多於例不合士子博通

五經實關

崇文雅化臣等不敢壅于

上聞謹據實題明等語禮部以毋庸議題覆奉

旨莊令輿俞長策俱授爲舉人准其會試嗣後願作五經者不必禁止作何定例着九卿詹事科道詳議具奏欽此欽遵該臣等會議得學術首在窮經人才端由鼓舞我

皇上教澤廣被文運弘開習五經者奮興間出蒙

恩俱准爲舉人并弛禁止之令作何定例下臣等會議尤仰見我

皇上造就人才務得通儒宿學之至意臣等公同酌擬條例開具於左一鄉會試作五經者照卷面上原填所習本經內簾派歸看某經房內取中但作五經之人所習某經勢必占專經定額如春秋禮記係孤經中額原少尤不便被作五經者占去嗣後作五經者不論南北官



民等卷應於額外取中其五經試卷主考同考須擇其經旨明晰文詞清贍者方准酌取不得過三名如違例剿襲雷同及草率完篇者不得妄取寧闕毋濫倘佳卷果多不便棄置臨期酌奪題明一定例試卷須真草俱全如做五經者草稿或闕亦免其貼出但四書本經草稿不許闕一五經取中務得通財須稍難其途然後行之可久查第二場舊例論一篇詔誥表各一道判五條其詔誥表內止作表文一道康熙二十六年內部覆臺臣陸祖修議以詔誥二題真屬虛設應行刪去等語今既有願作五經之人其第二場應仍復詔誥二題令其兼作闕者不錄其習一經者仍如現行例一向來作五經者限於卷短且雙行密寫不便觀覽應行直省提調官另備長卷許本生入場後稟明監臨給發長卷其第二三場不必另備以上四條伏候皇上聖裁俟

命下之日載入科場條例通行直省遵奉施行可也康熙四十一年十月

初八日奉

旨依議

官板經書 欽定則例 禮

一科場內經書備有官板其別項書籍亦應取官板備用如不行申明徑往書坊賃辦者其經管備書籍官各罰俸三個月

順天鄉會多備空白卷 康熙二十六年十二月

禮部覆准臺臣陸祖修疏查順天鄉會試原有空白試卷十本交與外監試御史如遇有遺失錯悞等項許查明給發在案嗣後應多備空白卷候用

掣簽擬題

禮部覆憲臣魏象樞疏稱場外賣題入場擬題一二道假作掣簽今後



凡擬題四書製定幾章每題每人各擬一道五經掣定幾章每題每人各擬十道俱送主考寫簽入筒御史手掣等語查科場條例內開京省出題宜將經書分段書簽公同拈簽如論語分爲十段正副主考掣至某書某段卽令房考於本段內各擬一題仍書簽俟掣出者用之餘題俱准此例等語嗣後場內擬題四書掣定幾章每題每人各擬一道五經掣定幾章每題每人各擬十道俱送正副主考寫簽入筒聽御史當堂拈簽

### 春秋單題

禮部覆兵科柯 聳疏查得明洪武年間春秋題旨以四傳爲主至永樂以後則專主胡傳於是單題以外有合題有比題有傳題至用傳語爲題意則主傳而題則仍經割裂扭合伏乞端出單題兼用四傳將傳合比題盡行刪去今後鄉會試並各省學臣考試生童俱應出單題至于兼用四傳查各傳意義不同取士難於畫一相應仍照舊用胡傳康熙十八年二月奉

旨依議

削去詔誥并策題發問 康熙二十六年十二月

一第二場內向有詔誥二條士子例不作文空屬虛設相應削去第二場策題止宜簡明發問不得過三百字

出題不拘忌諱

禮部爲欽奉

上諭事會議得康熙五十二年十月十一日大學士松柱等奉

旨三年鄉會原期得實學真才自必研究經書義旨爲根本蓋四書五經皆聖人講理明道之書貫始徹終無非精意近見鄉會試俱擇取冠冕吉祥語出題每多宿構倖獲致讀書通經之士漸少今後闈中題目應



不拘忌諱庶難預作揣摩實學自出着九卿會議具奏欽此欽遵仰惟我

皇上學精道奧理徹心源接唐虞洙泗之傳後先合撰闡四子六經之秘左右逢原

壽考作人既加恩於鄉會弘文選士更洞悉夫醇疵

念設科務得真才而經書貴研義旨精義微言之妙貫始徹終講理明道之書萬殊一致若出題但取冠冕將宿構盡屬揣摩特奉

諭旨勅令會議此誠拔才崇實之盛心端本去弊之良法自有制科以來未有如此之灼見淵微者也嗣後考官出題不拘忌諱凡四書五經聖賢講理明道之語俱可出題庶士子難以揣摩不致以宿構倖獲則寔學共敦真才輩出矣俟

命下載入科場條例通行直隸各省遵奉施行可也康熙五十二年十月

三十日奉

旨依議

鄉會試表題不出本年時擬

禮部等爲欽奉

上諭事康熙五十五年十二月初二日內閣交出爲性理出題啟奏摺本奉

旨仍照舊就好原本發還着再議具奏欽此該臣等會議得歷科鄉會兩試第一場作經書八股文章七篇第二場作性理論或孝經論一篇表一篇判五條第三場策五道嗣後鄉會題目俱應照舊例遵行但近來考官皆出熟習擬題以致士子揣摩勦襲殊無實學嗣後頭場經書題目不拘忌諱不許出熟習擬題二場專用性理作論一篇表題不許出本年時擬近事表聯須詞語清新音律調諧五判須剖晰



精詳律例明悉方爲合式如有勦襲陳言雷同抄寫者一槩不許取  
中三場五策須精切條對不必多用頌

聖套語俟

命下之日載入科場條例通行八旂直隸各省一體遵行可也康熙五十  
五年十二月十一日奉

旨依議

出題錯字 欽定則例 禮

一正副主考同考官一次出題錯字各罰俸三個月本經同考官各罰  
俸六個月正副主考官二次出題錯字各罰俸六個月本經同考官  
各罰俸九個月正副主考官三次出題錯字各罰俸九個月本經同  
考官各罰俸一年自行檢舉者正副主考官各罰俸三個月本經擬  
題同考官各罰俸六個月

取中題目錯出 全上

一將本身考中四書五經論表題目錯出者各降四級調用若將本身  
取中題目擬出又錯寫將出題官革職

錯出題目不稟改 全上

一內簾官錯出題目字樣士子應稟明各習專經于監臨官傳進內簾  
改正如不行稟明炤錯出題目字樣謄寫中式舉人罰停會試三科  
不將題紙全發 全上

一主考官場內發題如過卯辰二時不將題紙全發出者將正副主考  
官各罰俸六個月

進呈題目紙折縐不堪

禮部爲題明事二月十九日奉

旨從前題目甚屬恭敬此番所奏題目與式不合紙亦折縐不堪包裹着



嚴察議奏欽此查康熙三十六年三月內會試正主考張玉書將題名錄並不親身查看篇章顛倒繕折捲疊具奏將張玉書等各罰俸一年在案今張鵬翮等所奏題目與式不合帛縵不堪包裹不便炤此例議應將正主考吏尚張鵬翮戶尚趙申喬副主考工部右侍郎王懿刑部左侍郎李華之各降二級調用查革職留任之趙申喬無級可降相應革任侍郎王懿李華之各有加二級抵降二級免其調用  
康熙五十七年三月十六日奉

旨張鵬翮從寬免降二級調用趙申喬王懿俱免革任餘依議

錯寫點名冊 欽定則例 禮

一應試生員姓名點名冊內錯寫者其經管點名冊官各罰俸三個月  
遲送點名冊成案

禮部題左布政使劉顯貴將舉人點名冊不炤定限送部又文內不將遲延州縣詳明及至部查始行聲說不合相應罰俸一年其武昌府

知府李胤昌等將會試舉人點名冊造送遲延俱罰俸一年康熙六年四月奉

旨依議

錯落題字等項不貼 欽定則例 禮

一墨卷錯落題字及文內失格違禁後場違式真草不全等項應貼不貼者受卷所官各降一級調用其舉人行文內筆悞于康熙三年所議文內錯寫一定字樣一欸應分別一二字不得禁例者罰停會試一科如題目錯落者罰停會試二科同考官未經抹出者罰俸一年又康熙十八年二月定四書內應稱聖人者稱賢人稱賢人者稱聖人相應罰停會試三科奉

旨依議



前場文逾六百五十字

禮部覆科臣姚締虞題嗣後前場文字限六百五十字若將逾六百五十字者謄錄取中照應貼不貼之文例議處康熙二十年十二月奉旨依議

不應貼而貼 續增則例 禮

一科場例內開正副主考一次出題錯字罰俸三個月二次出題錯字罰俸六個月三次出題錯字罰俸九個月等語今受卷官不應貼而貼相應亦照此例處分

錯寫貼示字樣 欽定則例 禮

一冊卷相同錯寫貼示字樣者經管貼示官各罰俸三個月

應貼不應貼 康熙二十六年十二月

禮部覆臺臣陸祖修題查油污墨漬字畫猶可辨識卷頁破損題目字

樣及表判策內一定字樣點畫遺悞擡頭舛錯草稿錯落等項原無關於弊竇相應停其貼出仍行謄送其餘條例所載承題用七夫七蓋七甚矣起講今夫若謂等類七篇相同篇中結句七字相同及不完篇者仍照舊例貼出其每篇限字之例塗註字數太多貼出之例亦應停止

卷面列職名 欽定則例 禮

一卷面列主考同考官職名各註批語其同考官俱照品級叙列不得遺漏錯亂嗣後違式不列及署名顛倒者責在主考各降一級調用  
試卷號印 全上

一經管生員試卷用印官將試卷號印重印者及用印模糊者其經管號印官各罰俸三個月經管木號印官將木號印重送及移送木號印字模糊者經管木號印官各罰俸三個月



試卷悞印字樣 全上

一取中試卷例不印當堂公閱字樣如悞印取中試卷正副主考官自行檢舉免議如不檢舉磨勘官看出者正副主考官各罰俸六個月  
受卷悞收 全上

一受卷所官將書經卷悞收詩經卷內交送彌封所彌封所官又不詳查錯印詩經字號送內簾者受卷所彌封所官各罰俸三個月如自行檢舉呈明改正者應免議

錯印卷號 全上

一前場卷錯印後場卷號後場卷錯印前場卷號者其經管卷官罰俸三個月

受卷官遺失試卷

吏部爲題明事查得禮部咨稱浙江巡撫張劬以受卷官景寧縣知縣李鑽將生員楊煌陳宗器第二場試卷遺失不行交送謄錄將遺失試卷景寧縣知縣李鑽題叅將原抄移送吏部議等因前來應將景寧縣知縣李鑽照例罰俸一年等因康熙三十八年十一月十四日奉

旨依議

彌封失印條記 欽定則例 禮

一彌封所不將試卷用條記移送謄錄所者經管彌封官各罰俸三個月謄錄所見彌封所失印條記不行呈明令其補印條記私自差役投送者經管謄錄官各罰俸三個月謄錄書手姓名悞寫卷皮者經管謄錄官察出不行呈明及不行查出各罰俸三個月

失汚試卷 全上

一官員失落試卷者罰俸一年如染汚損裂者罰俸六個月



污損洗補 全上

一收卷謄錄對讀所人有污損洗補攙換迷失等項該所官卽行舉送從重治罪如該所官不行察出或徇情不舉者知貢舉及監試提調官一并察明會叅分別輕重處分

謄錄擅改 全上

一墨卷題字及四書五經文章策論表判內字錯寫謄錄不照原字謄寫自行改正對讀官不行對明徑送內簾一卷謄錄對讀官各罰俸九個月二卷各罰俸一年三卷各降一級調用四卷各降二級調用五卷各降三級調用六卷以上革職舉人罰停會試二科謄錄對讀人發該地方官責革其墨卷錯字硃卷改正內簾正副主考同考官俱不知仍免議

謄錄生頂替入場割斷脚筋

刑部爲題明事議得外監察御史恩特等題送何次韓等控告余雲卿等頂替謄錄進場一案本部將倪開先胡公孟陸聖約查席珍施子龍在貢院門首柳號兩個月滿日杖一百折責四十板遞回各原籍余雲卿等各名下賍銀僱錢照追入官等因啟奏康熙五十七年五月二十三日奉

旨依議又奉

上諭代人頂替進場之人着交部查明一次頂替進去者割斷一邊脚筋二次頂替進去者割斷兩邊脚筋欽此除將倪開先等柳責外應將查席珍割斷一邊脚筋遞回該撫交與該管官不時查點可也

對讀不改 欽定則例 禮

一謄寫硃卷係謄錄官耑責亦有謄錄時錯落數行被對讀對出改正者如竟不經心對讀任錯不改者謄錄對讀官各罰俸九個月



停止取用儒士

禮部為試差之積弊日甚等事九卿詹事科道會議得欽奉

上諭大臣官員子弟另號取中案內一欵查鄉會試場中例用儒士八人今李光地疏稱歷年作弊相應如李光地所題嗣後停止取用儒士臨期行文各衙門保送善寫書手知貢舉提調等官收送內簾聽用康熙三十九年十一月十八日奉

旨依議

選送書役 欽定則例 禮

一官員不將正身書手選送或送僱替之人或送不堪用之人者罰俸一年

不選送正身書手成案

吏部議知貢舉王頊齡等疏謄錄所官李耀雯呈謄錄書手張仁因謄

寫硃卷越幅懼罪越牆逃走據供叫趙大金有劉文僱頂張仁名字

查劉文僱覓趙大金濫充書手該地方官不行查明解送難免失察

定例內官員將試卷染污損裂者罰俸六個月等語應將李耀雯罰

俸六個月又定例官員不將正身書手選送或送僱替不堪用之人

者罰俸一年應將保定縣知縣張士渾罰俸一年康熙四十五年六

月奉

旨依議

填寫卷面錯悞

一會試舉人填寫卷面俱令本生親自填寫若有錯悞罰停會試一科

卷面籍貫 欽定則例 禮

一收卷官將卷面籍貫不明不行詳看駁回者經管收卷官各罰俸六個月其應試生員試卷各有應編字號彌封官將卷面籍貫不明不



行詳看卽錯印者經管彌封官各罰俸六個月主考官原照所編字號中式如外簾錯編字號移送內簾于拆卷看時未及查出者正副主考官各罰俸六個月

武生親填籍貫年貌

兵部覆臺臣劉 灝疏嗣後立空白冊二本第一場馬箭合式武生於面上用印記時令本生親筆填註姓名籍貫年貌第二場合式者仍照第一場令本生親筆填註對其字跡然後許人三場而此填註姓名籍貫年貌冊二本監箭官移交至公堂監臨官封貯至拆號之時監試各官將本生中式策論墨卷與前冊磨對字跡如有不符作弊顯然者除褫革外仍行究處俱應照劉 灝所題倘監臨等官不行查對失於覺察照例議處康熙四十一年十月奉

旨依議

試官名字

康熙二十六年十二月

一嗣後凡考試官名字不必避諱

文體不正

欽定則例 禮

一文體不正如五經四書文章內文理悖謬不遵小註章旨及論內文理悖謬表判不合題策內所對非所問均屬文體不正正副主考官一卷各罰俸六個月二卷各罰俸九個月三卷各罰俸一年四卷各降一級調用五卷各降二級調用六卷各降三級調用七卷以上革職同考官一卷各降一級調用二卷各降二級調用三卷各降三級調用四卷革職五卷以上革職提問舉人卽行斥革

雷同剿襲

全上

一四書五經文章策論表判有全篇雷同剿襲者正副主考官一卷各罰俸六個月二卷各罰俸九個月三卷各罰俸一年四卷各降一級



調用五卷各降二級調用六卷各降三級調用七卷以上革職同考官一卷各罰俸九個月二卷各罰俸一年三卷各降一級調用四卷各降二級調用五卷各降三級調用六卷以上革職舉人罰停會試二科

字句疵蒙 全上

一卷內字句疵蒙謬累及不諳禁例者正副主考官一卷各罰俸三個月同考官一卷各罰俸一年其疵蒙謬累者舉人罰停會試二科至不諳禁例者舉人罰停會試三科

字句可疑 全上

一有字句可疑者正副主考官一卷各罰俸九個月二卷各罰俸一年三卷各降一級調用四卷各降二級調用五卷各降三級調用六卷革職七卷革職提問同考官一卷各降三級調用二卷各降四級調

用三卷革職提問舉人即行斥革

闕分硃卷 續增則例 禮

一闕中閱卷停其公閱公薦每官闕分硃卷若干即於卷面上打某經某房印子如某房有弊即將本房本官處分如舉子因黜革一名者同考官即應革職舉子黜革二名以上者同考官革職提問正副主考官舉子黜革一名者降二級調用舉子黜革二名者降三級調用舉子黜革三名以上者革職舉子罰停會試三科者每一名同考官降一級調用正副主考官各罰俸一年罰停會試二科者每一名同考官降一級留任正副主考官各罰俸九個月舉子罰停會試一科者每一名同考官罰俸一年正副主考官各罰俸六個月其餘俱照見行處分條例遵行

硃卷遺句 欽定則例 禮



一墨卷未落硃卷膽錄遺句主考抹出同考官未經抹出者各罰俸六個月

句圈句點 康熙十八年二月

一嗣後同考不許將不應密圈密點之文滿篇圈點混呈主考止用句圈句點御史驗明送正副主考詳閱圈點照例註批填榜之後即行封鎖

藍筆未點到 欽定則例 禮

一場內所取中卷宜三場遍閱其主考官關防諸弊一力既不能周亦應同考官通行閱定然後送閱有同考官藍筆未經點到者各降一級調用主考官不能覺察者各罰俸一年

對讀用紫筆 全上

一對讀者用藍筆改用黃筆順治十六年改用紫筆如故犯者其所官降一級調用其對讀生員不奉所官之言擅用別樣筆者行該省學道黜革治罪如因奉所官之言悞用者罰坐本官本生免議

藍墨筆添改 全上

一場中如墨筆添改罪在主考藍筆添改罪在同考主考官各降三級調用同考官查明何官筆跡各降三級調用同閱官因不能覺察各降一級調用

中式卷填名次 全上

一中式硃卷上應先填舉子名次後填姓名以便部科挨次分閱其墨卷面雖有舉子姓名亦應填寫名次如有違者主考官各降一級調用

遺批取中字樣 全上

一正副主考官遺批取中字樣同考官遺寫公薦字樣者俱各罰俸六



個月

落卷令本生閱看

康熙十八年二月

一嗣後同考各官應將不中落卷俱要批出不中緣由開榜之後順天府出示於十日內令本生領取原卷閱看不許藏匿勒措如同考妄抹佳卷本生卽赴部具呈查明糾察若係本生文原不佳妄行控告除革去生監外仍交刑部照誣告例從重治罪

鄉會試放榜寬限直隸江浙等省添設房考

禮部爲欽奉 上諭事臣等恭讀

聖諭今直省生員舉人增額旣多赴考者較前倍衆分核官不將卷子全閱但各檢意中人及有關節卷子呈送正副主考而主考亦將分核官所呈卷子分別取中是以真才屈阨今科赴考者俱嘖有怨言以爲好文字被房官埋沒竟不呈送主考此皆主考官不能將卷子全閱之故也卽今朕之記性雖不及上哲猶可爲中資如一日閱時文百篇亦不能首尾全記主考官於數日之內閱卷幾千定其次第亦不過隨手出序而已未必得當也此皆因出榜之期太近故爾如將出榜之期多展數日則主考得以閱盡卷子不致真才有遺疎之嘆矣問九卿具奏欽此仰惟我

皇上明並日月無微不至所以洞燭科場事宜詳頒

諭旨今直省生員舉人額數屢次加增赴考士子較前日盛有多至七八千者有多至萬餘人者皆因揭曉期迫主考不能細心全閱以致房考草率完事查會試揭曉日期限於三月初五日內今寬限三月十五日內鄉試揭曉日期大省原於九月初五日內今寬限於九月十五日內中省小省俱於八月內今寬限中省於九月初十日內小省於九月初五日內其直隸江南浙江鄉試人數倍於他省應照會試



例加用房考官二員再主考官止閱房考官呈薦之卷今既寬限揭曉嗣後主考官應將房考官薦卷外餘卷亦令遍閱庶主考官房考俱得細心詳閱佳卷不致遺落可以仰副

皇上掄選真才之至意矣等因康熙五十年十月奉  
旨依議

鄉試少中舉人處分

禮部爲檢舉事議得湖撫劉殿衡疏稱湖廣省原額併節次奉

旨加增及額外五經并取中一百三名臣卽恭繕題名錄進呈

御覽在案茲接閱江浙二省題名錄俱取中一百一十三名湖廣省少中  
十名相應檢舉聽候部議等因前來查湖廣省原額八十五名

恩詔加增十名又奉

特旨廣額一十六名又五經四名共應中舉人一百一十三名今止中一

百三名少中十名查十二年順天鄉試少中副榜五名將正副主考官俱各降一級調用但湖廣少中正榜舉人十名不便照此例議處布政使張聖猷身係提調料理場內一應事務不行詳查少移送十名之處殊屬不合相應將張聖猷所有加級不准抵銷降三級調用監臨巡撫劉殿衡正主考大理寺少卿張德桂副主考翰林院檢討馬汝爲亦不行確查中額止憑布政使移文少中十名之處亦殊屬不合應將劉殿衡張德桂馬汝爲所有加級不准抵銷俱各降二級調用其少中舉人十名應於下科補中可也康熙五十年十二月初九日奉

旨張聖猷着降三級調用劉殿衡着降二級留任張德桂馬汝爲俱着降  
二級調用餘依議

各省舉人增額



禮部爲請

旨事錄頭牌啓奏臺臣李斯義順天府丞甘國樞江南總督范承勳湖廣總督吳璵浙江巡撫線一信等俱將舉人題請廣額前來查得本年二月內雲貴巡撫石文晟等題請鄉試增額奉

旨俞允今臣部若逐本具題增額甚屬繁瑣各省鄉試增額事關重大恩澤出自

上裁俟命下之日臣部一疏彙題等因啓奏奉

旨着—本彙題稍議增額未經題請各省亦併酌議增額具題欽此除雲貴二省已經增額不議外查現在題請增額者八旗鄉試滿洲蒙古取中十六名漢軍取中八名今滿洲蒙古量增四名共取中二十名漢軍量增二名共取十名其直隸各省應將舉人舊額減半之數量增三分之一順天鄉試生員舊額取中一百十五名減半准中五十

八名于二十三年添中五名共中六十三名今應再增十七名共取中八十名南北監生舊額取中八十六名減半准中四十三名今應增十四名共取中五十七名遼學奉天舊額取中二名于康熙五年添中一名共中三名宣鎮舊額取中三名減去一名准中二名俱毋庸議增以上各項共取中一百七十二名江南鄉試舊額取中一百二十五名減半准中六十三名今應增二十名共取中八十三名浙江鄉試舊額取中一百七名減半准中五十四名今應增十七名共取中七十一名湖廣鄉試舊額取中一百六名減半准中五十三名今應增十七名共取中七十名其未經題請者山東鄉試舊額取中九十名減去四十四名准中四十六名今應增十四名共取中六十三名山西鄉試舊額取中七十九名減半准中四十名今應增十三名共取中五十三名河南鄉試舊額取中九十四名減半准中四十七



名今應增十五名共取中六十二名陝西鄉試舊額取中七十九名減半准中四十名今應增十三名共取中五十三名江西鄉試舊額取中一百十三名減半准中五十七名今應增十八名共取中七十五名福建鄉試舊額取中一百五名減半准中五十三名二十六年臺灣增一名取中五十四名今應增十七名共取中七十一名廣東鄉試舊額取中八十六名減半准中四十三名今應增十四名共取中五十七名四川鄉試舊額取中八十四名減半准中四十二名今應增十四名共取中五十六名廣西鄉試舊額取中六十名減半准中三十名今應增十名共取中四十名其副榜并分經取中之處俱照例計算取中俟

命下之日臣部通行各直省自今科爲始載入科場條例一體遵行可也  
等因康熙三十五年七月初九日奉

旨依議又禮部條例內開浙江原中舉人一百七名內易經三十七名詩經二十九名書經二十二名春秋九名禮記八名至順治十七年減半中五十四名內易經十九名詩經十五名書經十一名春秋五名禮記四名今加中十七名內應易經六名詩經五名書經四名春秋一名禮記一名其副榜例係每舉人五名取副榜一名今加中十七名應加副榜三名內簾官例用十二員今加中十七名應添用一員咨明禮部今科照增數分經取中易經二十五名詩經二十名書經十五名春秋六名禮記五名合成七十一名  
浙省解額照江南一例加增

禮部爲

聖朝文教日隆等事該臣等議得浙江巡撫趙申喬疏稱浙江文章科第素與江南頡頏自



鑒與再幸以來文明大起絃誦日增蒙我

皇上俯鑒江浙並稱才藪故浙省入學增額與江南同特設學院與江南同每舉人一名取科舉一百名亦與江南同

皇上加恩於浙無不與江南一視同仁查浙省解額七十一名每科入場士子不下萬二千人實與江南相等今江南解額八十三名以浙省較之少十二名副榜亦少三名敢祈

皇上破格施恩將浙省解額比照江南一例取中副榜亦循例並增等語查康熙三十五年爲請

旨事一案臣部欽遵酌量議增之

旨直隸各省照原額酌量增加江南省增二十名取中八十三名浙江省增十七名取中七十一名在案相應將該撫所請浙省舉人副榜額數加增之處無庸議可也康熙四十一年閏六月二十九日奉

旨浙省舉人副榜額數着照江南額數加增

會試中式不預定額數

禮部等衙門爲欽奉

上諭事會議得會試舊分南北字號取中未曾分別省分取中以致人數偏多偏少今我

皇上軫念遠方貧士跋涉赴京每限於額多致遺落特頒

諭旨仰見

聖明愛育人才之至意公平周密誠亘古所未有也欽惟

皇上臨政五十餘年教養兼備人文蔚起各省赴試士子日盛於前嗣後會試不必預定額數亦不必編南北字號按各省分編號印卷面既

編省分不必復編官民字號止憑文取中其滿洲蒙古漢軍亦編滿洲蒙古漢軍字號直隸各省會試舉人到齊及入旂滿洲蒙古漢軍



進場實數禮部預行查明奏

聞恭候

皇上酌量省分之日大小人數之多寡定額於

命下之日行文主考官就各省卷內擇其佳者照所定之數取中庶中額

均平真才不致遺落矣康熙五十一年四月初四日奉

旨依議

文闈 萬壽加科

禮部爲太平聲教日隆多士歡騰益切恭逢

萬壽之昌期請舉千秋之曠典以祝

聖釐以揚文治事議得直隸各省舉人貢監生員李長庚等奏稱伏念五

十二年恭遇

皇上萬壽正誕臣等身被

皇上教育五十餘年今又恭逢太平盛事千載一時願竭犬馬之忱敬效

躋堂之祝設立

萬壽經壇

萬壽碑亭祝慶

萬壽伏求

皇上廣覆載生成之量擴天地父母之心特於京闈開

萬壽會科

欽定題目

親加睿覽更請永爲例以後每遇十年

皇上萬壽正誕卽加一科以彰太平盛典則光垂奕禩照耀無窮矣等因

具奏前來應如所請以愜輿情但此係

皇上特恩如蒙



俞允康熙五十二年恭遇

皇上萬壽正誕照順治丙戌科通行鄉試已亥科特行會試例於二月內舉行鄉試八月內舉行會試其一應鄉會事宜臣部另行酌議具奏嗣後每遇十年

皇上萬壽正誕卽加一科億萬斯年永爲定例庶彰太平盛典益收人才實效康熙五十一年四月二十二日奉

旨依議

武闈 萬壽加科

兵部爲恭遇

萬壽開科普天同慶懇賜題請文武並舉以昭曠典以廣作人事議得浙撫王度昭疏稱康熙五十二年恭遇

皇上萬壽正誕特沐

皇恩開科取士據浙省武生潘堯年等呈請一視同仁文武並舉等語查順治丙戌科通行鄉試雖武生未有舉行之例但近奉

俞旨兵丁准與武生一體鄉試于總准與武舉一體會試可否文武一體舉行出自

聖裁等因具題前來欽惟我

皇上學貫天人德全智勇守成兼開創之弘圖四表八荒無思不服文教備武功之大烈六韜三畧有美皆收屆茲

萬壽之昌期特沛千秋之盛典查順治丙戌科文生通行鄉試武生雖未奉有舉行之例但近奉

俞旨兵丁准與武生一體鄉試于總准與武舉一體會試此皆

皇上格外弘仁恩澤配天而歡聲動地者也茲逢康熙五十二年恭遇

皇上六十大慶各省文生已邀曠典准於二月鄉試八月會試今武生亦



應一視同仁准于五十二年四月鄉試十月會試使文武同沾萬壽之弘恩齊祝萬年之盛事如蒙

俞允臣部通行各直省八旗一體遵行至一應鄉會事宜臣部另行酌議具奏嗣後每遇十年

皇上萬壽正誕亦照文場之例卽加武鄉會一科庶曠典攸昭而人才益勵矣等因康熙五十一年八月十四日奉

旨依議

停刊鄉試錄

兵部爲欽奉

上諭事康熙五十三年十二月十四日大學士溫達等將兵部康熙五十二年考取武進士會試錄登科錄刊刻已完具題一本折奏奉

旨考取文武進士會試錄及題名錄考完時卽行呈覽今部內又復刊刻

無益俟回日爾等會同九卿議奏欽此本部等衙門會議得文武進士

題名錄於考完時業經呈

覽其文武會試錄再行刊刻事屬重複應行停止刊刻其各省文武鄉試舉人題名錄亦于考完時照例繕寫呈

覽外併寫副本用印報吏禮兵三部都察院六科各道衙門存案其鄉試錄若再行刊刻具題亦屬重複相應亦停其刊刻至文武進士

殿試登科錄內載

御制策題

恩榮次第刊刻之後方行呈

覽並無重複之處仍照舊例遵行俟

命下之日通行直隸各省一體遵行可也康熙五十四年二月二十一日奉



旨依議

闈墨照原卷刊刻

禮部爲敬陳科場之積弊等事會議御史鄭惟孜條奏嗣後主考務照原卷刊刻闈墨若不照原卷刊刻及浙江各處選墨擅行改易冒稱原卷者或被科道官糾參或被傍人出首將改易人員嚴加察議治罪至所請入旂號房宜與漢人隔別之處毋容議等因康熙三十二年六月初八日奉

旨依議

會墨照鄉墨例刊刻

禮部爲請禁私選等事覆江南學政許汝霖條奏應如該學臣所請將會試墨卷亦照各省鄉墨例刊刻四書文三篇進呈

御覽頒發各省學宮所用板片紙張工價等項於該部支取至于各省考

旨依議

取生員文章仍聽學臣頒刻等因康熙三十三年閏五月初五日奉

禁私刻濫選

禮部覆直學蔣超疏議得文字舊例必以中式真文准其謄寫選刻發賣如將鄉會墨卷預先召集多人假稱新科墨卷傳賣及直隸各省生員濫刻選文竄稿傳賣者臣部及科道外而督撫訪查將假造之人如係現任官員罰俸三個月未選官員于選官日罰俸三個月舉人罰停會試一科貢生罰停廷試一年監生罰多坐監六個月生員降爲青衣儒童行令該地方官責二十板如有冒名私刻罪坐假冒之人令該地方官責四十板康熙九年正月奉

旨依議

出場次日解卷 康熙二十九年五月



一各省鄉試監臨官務于出場次日即將硃墨卷用印固封作速差人  
星馳解部如有遲延臣部及禮科察叅交與該部從重議處

解卷遲延 欽定則例 禮

一定例布政使順天府官解卷遲延十日者罰俸兩個月仍詳查原文  
起解月日係本官遲延者責在本官如與本官無涉係解役遲延者  
另行該撫從重治罪

欽點官磨勘

禮部爲請革歲科解冊鄉試解卷相沿部費陋例以重掄才以肅大典  
事覆原任山西道試監察御史靳讓題前事查定例內歲科兩冊原  
由學臣差役賫投若差役及親眷家人賫投致生弊端亦未可定相  
應如靳讓所題嗣後學臣解冊俱由驛遞到部卽收如無差訛收到  
年月日期卽行文知照至直省鄉試解卷舊例臣部會同禮科磨勘

今靳讓旣稱直省鄉試卷解到者禮部卽行奏請

欽點九卿翰林詹事科道等衙門官會同公爲磨勘庶餽送需索之弊可  
絕等語嗣後直省鄉試卷解到者臣部卽行奏請

欽點九卿翰林詹事科道等官會同磨勘如有餽送需索事發按律例從  
重治罪可也等因康熙四十年十一月初六日奉

旨依議

磨勘試卷定限

禮部爲請禁科場陋弊事嗣後解到各省舉人試卷若磨勘遲延恐易  
生弊應將所到一省試卷限司官五日閱完仍呈堂覆閱五日內移  
送禮科又五日卽公閱具題務共清釐力除陋弊倘臣部司官陽奉  
陰違及胥吏人等指名嚇騙者查出卽行題叅從重治罪康熙二十  
六年四月二十九日奉



旨依議

停止武場磨勘

兵部覆左都徐元文看得武闈鄉試因騎射最優而文復調暢者最少將僅能成篇者入選自立磨勘以來監臨諸官遂有部費名色科歛求免苛摘濫行亦未可定且武闈以騎射爲重應如所題停其解部磨勘又查順天八府原額中式武舉一百名在京六衛額中武舉一百名奉錦二府額中武舉三名今六衛已經奉裁歸併順天等府州縣應將武舉炤文舉額數順天等八府取中一百零八名奉錦二府取中三名其江南等各省取中武舉額數比文舉額數俱多嗣後俱應炤文舉額數取中康熙二十六年十二月奉

旨依議

考試執事官插花筵宴

禮部題查順治十八年以前炤依會典會試直隸各省舉人其考試官並執事官照例于二月初六日在午門前行禮畢卽赴臣部筵宴各給表裏插花令其入場揚曉出場次日考試等官及執事各官于次早在午門前行禮畢至臣部筵宴該臣等議得會試直隸各省舉人關係選賢大典其賞給考試執事各官表裏插花筵宴俱照

世祖章皇帝時定例遵行康熙八年八月奉

旨依議

鄉會試插花筵宴 康熙二十三年八月

禮部覆東撫徐旭齡疏稱主考各官盃盤緞疋花紅以及入簾筵宴題請前來查鄉會試向有上馬筵宴插花及給表裏並下馬筵宴插花之例應照舊舉行

武場筵宴等項



一順天府尹張吉午題查向有文武鄉會試筵宴插花等項之例於康熙十四年因減省錢糧暫行停止但文武鄉會試事屬一體且文場上馬筵宴插花給表裏等項禮部既請准復其武場筵宴插花給表裏等項亦應照文場舉行康熙二十三年十月奉

旨依議

樹立題名碑記 康熙二十六年十二月

一太學中樹立進士題名碑記查建立題名碑記以彰示

國恩鼓舞士子誠爲盛典本朝從前各科進士及以後進士應聽其自行

公同立石可也

試差回京定限 續增則例 禮

一各省主考官出闈之後許住省一個月刊刻試錄事務完日卽遵限回京不得任意遲延如有疾病事故仍照例取州縣官印結到部存

案若無故在外任意耽延不行卽回者各該衙門查出叅處

會試舉人起文到部定限

禮部爲請

旨事議得定例內會試舉人直隸責成順天等府各省責成該布政司將舉人欠糧緣事已經黜革及現在議處未結與罰科丁憂患病等項確察不送外其現在應會試舉人詳察造冊送部將舉人等仍逐名給文投部會試又查康熙十四年將變亂省分舉人等流寓他省者卽于流寓地方取具印文印結投部准其會試今四方旣已平定應俱照舊例令取本省布政司地方官並無事故印文于會試前一年十一月初一日起至會試年二月初一日止投部准其會試康熙二十三年八月十三日奉

旨依議



領文會試不許耽延需索

禮部爲僚采旣同惕勵外官積習宜除請

旨嚴行禁飭以勤政而安民事覆科臣姚締虞條奏嗣後歲貢

廷試來京舉人會試領文縣府司衙門如有任意耽延胥役因而需索該督撫題叅交與該部從重議處康熙二十一年八月初九日奉

旨依議

文武通考

禮部爲欽奉

上諭事九卿等再會議得康熙五十二年十一月初十日奉

旨文武考試雖曰兩途俱係遴拔人才而習文之內亦有學習武畧善於騎射者習武之內亦有精於制義學問優長者如或拘于成例以文武兩途不令通融應試則不能各展所長必致遺漏真才嗣後文童堂生

員舉人內有情願改就武場考試者習武童生生員舉人內有情願改就文場考試者應各聽伊所願准其考試如此則考試之人各得施其所學文武兩途皆得真才矣着九卿詹事科道會議具奏欽此嗣後文生員有願改入武場武生員有願改入文場者照文武生員鄉試例起送各文武場鄉試文舉人有願改入武場武舉人有願改入文場者照文武舉人會試例起送各文武場會試其中式者照例造入新冊不中式者仍各歸文武原冊內不准再行改考此考試事宜俱照科場現行例行俟

命下之日通行入旗漢軍都統直隸各省併奉天一體遵行可也康熙五十三年二月二十一日奉

旨依議

文武生員未經互入文武鄉試者仍許舉行一次



禮部爲欽奉

上諭事康熙五十六年五月初六日湖廣省准到部咨內開准湖廣巡撫劉殿衡咨稱上科鄉試之時文武生員內有丁憂患病等項及新生未經互入文武鄉試者應否今科許其各應鄉試以及五十七年文武會試應否照文武鄉試一例舉行再湖廣鄉試原額取中九十九名所有五經四名係于原額之外增添今五經停止丁酉科鄉試應遵照舊額止取中九十九名咨請示覆等因前來查先經九卿會議嗣後文生有願改入武場武生有願改入文場者照文武生員鄉試例起送各文武場鄉試其中中式者照例造入新冊不中者仍各歸入文武冊內不准再行改考等因具題奉

旨依議遵照在案今科鄉試除已經上科文武改考不中之生不准再行改考外其未經互入文武場考試者應照上科文武鄉試改考例舉行查湖廣鄉試原額取九十九名其五經四名向係額外增添今五經已經停止應遵照舊額取中九十九名相應咨覆該撫可也

兵丁中舉會試不中者仍在本營操演

兵部爲請嚴分別武舉告降之例等事九卿會議得兵部覆山東登州總兵官李雄條奏疏稱兵丁武舉有會試不中未經告降者若聽其無拘無束怠惰偷安久則弓馬生疎是已經中舉之兵丁反不如未中之兵丁臣請嗣後東省兵丁中過之武舉因會試不中雖不告降臣標但武舉原係某營兵丁則令其就近仍歸某營照常操演不得四外逍遙自便俟會試之期給文赴部等語應如該鎮所請俟

命下之日兵部行文直隸各省一體遵行可也等因康熙五十一年十一月初五日奉

旨依議



取中武舉不堪議處

兵部爲武闈宜重武勇試官不宜專取策論以收真材實效事該本部議得御史李景迪疏稱鄉會武闈定以頭場馬箭四中者合式二場定以步箭二中者合式復考其技勇弓刀石三項其應試之人馬有九箭步有九箭且有弓刀石俱全而兼頭等技勇者又有馬步中六七箭不一而技勇次等者更有馬步箭僅合式而技勇止三等者並有三等技勇不全者主司三場取中宜將試卷分爲三號而卷面所註馬步箭最多技勇頭等兼全者作爲第一號卷面所註馬步箭次多技勇次等兼全者作爲第二號卷面所註馬步箭僅合式技勇三等不全者作爲第三號閱卷之時先將一號卷之文理明順者取中若一號卷不足則將二號卷取中若二號卷又不足方於三號卷內取中足額如此則技勇兼全真才盡拔嗣後鄉會武闈仍照前額












0 1 2 3 4 5 6 7 8 9 2

長江  
所圖

數考官必先儘一號卷取中次儘二號卷取中再取三號卷足額永  
着爲例等因具題前來查康熙五十二年十一月初八日奉



諭近見直隸各省考取武進士額數或一省偏多或一省偏少皆因其

不知所學弓馬武藝止憑文章取中以致弓馬嫻熟學習武畧之人多  
有遺漏嗣後考取武進士不必拘定額數俟天下會試武舉齊集京師  
着該部將各省赴試到部武舉等照例考試弓馬將合式武舉等實數  
查明預行奏聞朕計省之大小人之多寡照考取文進士例按省酌定  
取中武進士額數考取之時就本省卷面擇其佳者照所定之數取中  
如此則學習武藝弓馬好者不致遺漏矣欽此欽遵在案應將御史李

景迪條奏武鄉會試照南北額數令考試官必儘第一號卷取中如  
不足則儘二號卷取中如仍不足則儘第三號卷取中之處毋庸議  
再查各省武鄉試係巡撫等專責嗣後到京會試之武舉內除從前



中式武舉不議外自康熙五十二年鄉試爲始如新中式武舉內有  
弓馬不堪人材不及技勇不能者將監試取中巡撫等官比照文科  
場例處分再遵奉

上諭到京會試天下武舉係照常閱看弓馬將合式舉人等寔數查明預  
行奏

聞遵奉

上諭題請計省之大小人之多寡酌定取中額數應將會試武舉臣部會  
同

欽點內大臣考試完畢卽將記註弓馬好者繕寫摺子於請

旨酌定額數本內一併奏

聞交付印卷彌封等官另編弓馬好字號移送內簾如弓馬好者不足額  
數內簾仍照舊例取中足額可也等因康熙五十二年十二月十五

日奉

旨依議

武舉會試 中樞政考 忠

一定例會試天下武舉定于辰戌丑未年舉行先通行各直省巡撫除  
將節年武舉內推選並丁憂事故等項不送外其餘盡行逐名各給  
文批盤費於四月以後八月十五日以前赴部查驗真偽給與執照  
入試不許托故規避於九月初九日起考試馬箭十二日考試步箭  
十五日進場試策論

更定武場事宜

兵部爲考試武舉事案查各直省鄉試定于子午卯酉年舉行今康熙  
三十二年歲次癸酉例應鄉試臣等謹將應行事宜預先題  
知計開一各省武生鄉試于九月內州縣起送布政司彙送巡撫會同



三司官考驗取定數目將題名錄解部一各處鄉試必用武生一切武童名色不許入場一大同武生與山西武生合試今應照舊例行一鄉試考驗等官併執事官軍及供用紙劄筆墨心紅等項錢糧在京行順天府照例支取事竣銷算在外聽各該巡撫定擬于布政使府衛量數取用頭場二場試馬步箭合用金鼓旗號響器及監射巡視等官並三場搜檢巡綽官軍在京行巡捕營定數差撥其刊刻題目匠役俱于海縣取用在外聽各巡撫酌量取用其在外印卷彌封等項執事官員俱照舊例舉行一康熙七年定例先試馬步箭後試策論康熙十三年議定鄉會試豎立大把射馬步箭外再試開弓舞刀掇石驗其技勇三場考試策論務取文理明通以收真才又康熙二十八年臣部覆原任臺臣錢三錫條奏一疏奉

旨武鄉會考試嗣後馬箭以中四箭爲合式步箭以中一箭爲合式不合式者不准取餘依議欽遵俱各通行在案今科頭場試馬箭豎立三把各離三十五步務要放馬跑圓三回九箭中四箭者合式馬箭不及額者不准入二場二場試步箭立大把以八十步爲則務要發滿精優直衝把子中央者爲中如有撞箭並中把子根把子旗者俱不准九箭中一箭者合式步箭不及額者不准入三場試馬步箭外再試八力十力十二力弓八十筋一百筋一百二十筋刀二百筋二百五十筋三百筋石弓必開滿刀必舞花石必離地一尺爲合式三項內有能一二項者准入三場三項全不能者亦不准入三場三場試策二道論一道務取文理明通在京

欽點主考官出題在外俱巡撫出題其武舉中式名數照例繕寫試錄進呈康熙三十二年四月二十日奉

旨步箭大把以八十步爲則太遠善射之人多致遺棄嗣後着改爲五十



步以中二箭爲合式餘依議

武舉不必謄錄

兵部爲武舉事覆東撫施維翰題前事康熙二十年九月二十日奉旨武舉以弓馬爲重謄錄殊卷事屬煩多不必謄錄

武舉推選不許會試

一三科武舉推選守禦所千總兩科一科武舉選授衛千總均有地方錢糧之責不許會試永着爲令鄉試事畢并將以前十科武舉刊刻鄉試目錄通行咨部以便查考奉

旨依議

告降武舉仍准會試

康熙三十九年七月

兵部准河撫李國亮咨稱張天寵等俱係告降武舉已奉部咨於原籍督撫提鎮標下令其効力操演隨材拔補應否仍准會試等因查武

舉凡在部効勞及考授職銜未任地方者俱准給文會試應將告降武舉張天寵等聽其自便如有情願會試者准其一體給文赴試

考試武舉武生

中樞政考 節

一現行例直隸八府并奉天府武生及在京各衛武生俱在順天府鄉試頭二場馬步箭順天府呈請臣部滿漢右侍郎并司官監射至揭曉之日臣部堂司官入簾對箭冊填榜揭曉後試卷解送臣部其各省武鄉試該督提選善騎射總兵官一員會同巡撫考試至於考取武生督撫提鎮等官將副將叅將遊擊內精選熟諳騎射官一員會同學道考取奉天所屬令奉天將軍委駐防協領一員同奉天府府丞考取

貢監生鄉試

禮部爲考職之監生等事康熙二十二年七月初十日浙省准到部咨



內開查科場條例內開各省貢監生除起送順天應試外願就本處鄉試者通與生員一體編號取中等語又查已經考職貢監由吏部未經考職監生由國子監移送順天考試

常平倉捐監在順天在本省俱准鄉試

禮部爲題明事覆福撫下永譽題前事嗣後各省常平倉捐納監生亦與各項監生一體遇鄉試之年或在順天或在本省聽其自便俱准其鄉試康熙三十二年七月初四日奉

旨依議

監生考試入場 康熙二十九年五月

一各省鄉試監生人數多寡無定應行令各省學道嚴加考試擇其文理優通者方准入場不得濫行收送

貢監考課錄科 康熙四十年正月

一國子監咨嗣後直省貢監諸生不論已未考職已未到監願就京闈鄉試者共着白寫親供兼取里隣結狀開載祖父是否存故確註籍貫年貌經書同監單部照送本地方官詳查加具印結申達本監諸生親自賫投聽候驗明年貌相符仍令領回監單部照以杜假冒頂替諸弊其未到監者考到後照例撥堂與已到監者分班肄業每逢季考月課聽本監較其優劣候壬午科錄科移送禮部鄉試但直省遠近不等遲速難拘一例以文到之日照各省定限起身于四十年八月以前到監必在監應過季考二次月課六次者方許錄科如赴監違限考未及數者一槩不准移送其有願就本省鄉試者仍照舊例憑學使考錄本監亦無強焉

生員錄科 康熙二十九年五月

禮部覆科臣何楷題查條例內每舉人一名額取科舉生員三十名



係順治二年所定今國家文教沾濡五十年來人才日盛倍於往時故每科江浙等省入場者多至萬餘人入場者太多若照舊額取三十名則又太少應將生員錄科正額再加三十名定爲六十名准其鄉試 又康熙三十年禮部覆准江督傅臘塔浙撫張鵬翮疏江南浙江大省廣增科舉嗣後每舉人一名再量加四十名入場應試以歲考准科舉

禮部覆貴撫王 燕疏茲當鄉試前任學道陳正歲試甫畢目疾乞休新任學道柴廷望于本年五月初八日到任去鄉試之期僅三閱月請將前道歲考一二等生員准作科舉等語應如所請將歲考一二等生員准其科舉以應本年鄉試鄉試後童生仍行考取其科考分別生員優劣幫補廩增又該撫所稱生員未經科考不必再補科考之處不便准行鄉試後生員仍照例補行科考將試冊速行送部康

熙四十一年八月奉

旨依議

一二等作科舉

禮部議湖督郭世隆疏查四十一年貴撫王 燕以鄉試之期僅閱三個月勢不能遍行科考請將前道歲試一二等生員准作科舉以應本年鄉試事竣補行科考取進童生其生員未經科考者不必再補等語臣部議覆將歲考一二等生員准其科舉鄉試後仍照例補行科考具題准行在案今該督既稱湖北歲試湖南並未歲試四十七年鄉試之期誠恐有悞賓與大典應行文該督俟新學臣到任將未經歲試之湖南作速考完一二等生員准其科舉以應鄉試試畢仍將湖南北未經科考之生童照例補行科考將試冊速行送部可也康熙四十六年十二月奉



旨依議

監生考課並禁獻詩刻卷

禮部爲試差之積弊日甚仰請

睿鑒除弊清源以肅學政事九卿詹事科道會議得臺臣鄭惟孜條奏監生回籍鄉試一欵查國學之設自唐虞三代以來未之或易我

皇上崇儒右文超越萬古若驅逐監生回籍雖因時制宜恐載諸史冊似未盡善前經九卿會議監生不必回籍今張鵬翮疏稱監生不必令之回籍若在京串通作弊自有防之之法等語郭琇疏稱宜責令國子監果嚴其法則弊可得而除不在遣之回籍與不回籍等語李光地疏稱八旂教習及內閣中書准在京鄉試若非鄉試之年監生仍令到監庶不致國學虛無其人等語臣等再四思維若一時權宜而廢幾千百年之鉅典終屬未便况旣蒙

皇上分別官民字號弊自可除但查同一監生有已經考職吏部之監生有免其到監禮部之監生有現在國子監肄業之監生嗣後直省各項官監貢生有願由監入場者俱令國子監錄取入場照例分別南北皿官民卷照額取中其願在本地鄉試者准令各歸與生員一體分別官民卷取中至防之之法如張鵬翮疏內責令祭酒力行考課之法考課不缺者准其入場臨時赶到者不准又如郭琇疏稱責令祭酒等官平日檢舉不肖監生嚴拿究處則國子監旣可不廢而監生在京者有所約束如科場弊發照定例嚴加治罪庶不致更爲厲階矣其張鵬翮郭琇所稱不許監生餽獻禮物詩文假名士刻遺卷併招搖作弊令巡城御史察寔糾叅交刑部治罪之處俱應如其所議康熙三十九年十一月十八日奉

旨依議



御製訓飭士子文

康熙四十一年正月

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶樸棧作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生幼聞庭訓長列宮牆朝夕誦讀寧無講究必也躬修寔踐砥礪廉隅敦孝順以事親秉忠貞以立志窮經考業勿雜荒誕之談取友親師悉化僑盈之氣文章歸於惇雅毋事浮華軌度式于規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱痕包訟出入公門或唆撥姦猾欺孤凌弱或招呼朋類結社邀盟乃如之人名教

不容鄉黨勿齒縱倖脫褫朴濫竊章縫返之於衷寧無媿乎况乎鄉會科名乃掄才大典關係尤鉅士子果有真才寔學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿儆毀方躍冶暴棄自甘則是爾等冥頑無知終不能率教也旣負栽培復于咎戾王章具在朕亦不能爲爾等寬矣自茲以往內而國學外而直省鄉校凡學臣司長皆有司鐸之



責者並宜傳集諸生多方董勸以副朕懷否則職業勿修咎亦難追  
勿謂朕言之不預也爾多士尙敬聽之哉

### 臥碑

一順治九年題准刊立臥碑置於明倫堂之左曉示生員永爲遵守  
一生員之家父母賢智者子當受教父母愚魯或有非爲者子旣讀  
書明理當再三懇告使父母不陷于危亡 一生員立志當學爲忠  
臣清官書史所載忠清事蹟務須互相講究凡利國愛民之事更宜  
留心 一生員居心忠厚正直讀書方有寔用出仕必作良吏若心  
術邪刻讀書必無成就爲官必取禍患行害人之事者往往自殺其  
身常宜思省 一生員不可干求官長交結勢要希圖進身若果心  
善德全上天知之必加以福 一生員當愛身忍性凡有司官衙門  
不可輕入卽有切已之事止許家人代告不許干與他人詞訟他人

亦不許牽連生員作證 一爲學當尊敬先生若講說皆須誠心聽  
受如有未明從容再問毋妄行辨難爲師者亦當盡心教訓勿致怠  
惰 一軍民一切利病不許生員上書陳言如有一言建白以違制  
論黜革治罪 一生員不許糾黨多人立盟結社把持官府武斷鄉  
曲所作文字不許妄行刊刻違者聽提調官治罪

### 衿士劣行

禮部爲請嚴士習以弘文教事會議得御史許日琮疏稱捐納貢監其  
中有由廩增附生者有從民間俊秀者雖多英才不乏陋劣此輩不  
自揣度一經捐納卽爾混刻詩文侈談聲氣挨門挨拜卽對輿隸閭  
人不惜僂僂折節招搖奔競結黨成羣望顏承色敗廉鮮耻甚至不  
安義命妄肆雌黃捏造歌謠黨同伐異士風之惡薄莫過于此合請  
勅部嚴加申飭凡士子不許聯社刻稿及一切淫詞時擬遍送現任官員



而現任官員亦不許與之往來宴會倘有棍徒營求誑騙及匿名誣謗等情責令五城司坊不時緝拏依律治罪等語查學政全書內開孝弟廉讓士子立身大節其有敦本尚寔行誼表著者核寔卽加獎勵若有平日不務學業囑托把持武斷包攬或捏造歌謠興滅詞訟及敗倫傷化過惡彰聞者體訪得真卽行黜革等語應將學政全書項欵并御史許日琮疏內所稱各欵俱通行嚴禁在京貢監等如有前項不肖之徒許五城司坊官拏送該部治罪如司坊官不行察拏事發一併叅處其現任官員亦不許與應試士子往來宴會如有違者被科道題叅交與該部議處康熙二十九年四月二十九日奉旨依議

狗庇劣生

欽定則例 禮

一定例教官徇情隱庇不報劣生一人者革職提學道據教官舉報劣生不行盡法懲處倘被督撫糾叅一名降四級調用二名革職

學政十弊

續增則例 禮

一童生未經府考冊內無名鑽求學道徑取入學巧圖捷便 一考試各府州縣衛所童生額外濫取撥發別學明收冒籍以佔本學正額 一彌封編號印簿及場內坐號紅簿不發該府州縣封貯乃收存道署私查某卷某號係某人對號賄買 一考完一府不將紅案速行發學任意遲延徇私通賄更改等第拔下作上 一每考一處令書辦承差快手人等出入過付暗訪生員稍有家貲者先開六等草單嚇詐保等銀兩送入准放三等 一文童額少武童額多將文童充爲武童入學之後夤緣改文媚優隸卒濫行收取善騎射者擯而不錄 一各府地方設有考棚俾於親臨將生童遠調考試其各州縣告病生員損擡驗病困苦難堪 一縱容無賴教官包攬生童私



通線索効勞分潤名爲作興大壞風教 一曲狗上司同僚情面並  
京官鄉宦私書及親族朋友隨任地方討情抽豐將孤寒之文棄如  
糞土 一報部學冊將額外溢取入學之童生未經科歲考試預附  
三等其姓名不入新案造入事故衣頂項下以趙甲頂補錢乙混作  
寔在之數朦報禮部嗣後考核學道之時俱註剔除此十弊若有不  
能剔除此十弊者該督撫指叅有貪賍之弊者照貪賍例革職提問  
如無貪賍之處照才力不及例降二級調用其考核疏內不註剔除  
此十弊字樣并未有剔除而註寫剔除者吏部查出或科道糾叅果  
眞將該督撫照不報劣員例降三級調用至督撫有需索陋規者被  
科道糾叅果眞將督撫亦照貪賍例處分至上司同僚京官鄉宦私  
書及親族朋友隨任地方討情抽豐至州縣官傳遞私書鄉紳投刺  
請席者督撫科道題叅有官者革職無官者交與刑部從重治罪至  
順天學院任滿時亦將剔除此十弊之處開明具題查核方准回院  
若有不能剔除此十弊之處或有貪賍等弊吏部查出或科道糾叅  
果眞亦照處分學道例處分

### 學臣按臨禁革諸弊

禮部爲學道受事方新條規防範宜密謹陳管見數端以補前十弊所  
未盡事覆御史羅秉倫條奏嗣後學臣凡到所考地方量撥別縣書  
吏供事其掌案長接名色嚴行禁革屬員一槩不許迎接執事人員  
不許退堂傳遞關節如遇考校日一槩封筒不許傳入間有公事俟  
試竣日方許開槧投進其生童試卷府縣除正卷外應嚴行禁止不  
許多備一卷如有此等情弊聽該督撫據寔指名題叅交與該部從  
重議處如該督撫徇情不行題叅被科道官糾叅或被傍人首告將  
該督撫一并議處康熙二十一年七月三十日奉



例案全集

學政條約

一提學官須正己潔操矢公矢慎務得真才不許曲徇情面考試生員必嚴加校閱其荒疎庸耄不堪作養者卽行黜退不許姑息有捏造流言思逞報復者訪寔照例問遣

一童生入學

國初大學四十名中學二十五名小學十二名順治十五年六月內九卿等衙門覆准照萬曆年間例大府不過二十人大州縣不過十五人如地方乏才卽四五名亦不爲少俟不足之日應再添取康熙九年二月內本部題覆順天學院蔣超爲請酌復進取等事一疏內開學院蔣超疏稱取士二十餘年化育弘深人才繁盛量增取額等語相應將順天府學六十五名再增十名共取七十五名各省府學二

十名再增五名共取二十五名大州縣學十五名再增七名共取二十二名中學十二名再增五名共取十七名小學七八名再增三名共取十名令各該學臣嚴加考試務選真才等因具題奉

旨順天直隸各省不必添增生員餘依議欽此欽遵其各直省或遇人材偶乏寧缺額勿濫收發案後不再試一人不再發一案亦不許別立寄學名色若鄉宦勢豪干託不遂暗行中傷者許徑揭奏

一府州縣提調官員宜嚴束生徒按季考校凡學內殿堂齋房等屋損壞卽辦料量工修理其齋夫膳夫學糧學田等項俱要以時撥給不許遲誤尅減生員之家除干謁賫擾外俱宜以禮相待勿得橫肆凌侮至於非禮諂諛嚴行禁斥

一儒學教官士子觀法所係按臨之日考其學行俱優教有成效者除禮待獎勵外仍據實列薦其行履無過但學問疎淺者姑行戒飭責



令勉進有老病不堪者准令以禮致仕若鑽營委署橫索束修卑汚無耻素行不謹者不必試其文學卽行叅奏分別革究其有學霸王員書役門夫行私惑誘者一併究擬重治

一孝弟廉讓士子立身大節其有敦本尙實行誼表著者提調官細加體察取具本學師生及本族里隣甘結申送提學覈實卽加獎賞以勵頹俗若有平日不務學業囑託把持武斷包攬或捏造歌謠興滅詞訟及敗倫傷化過惡彰聞者體訪得實不必品其文藝卽行革黜但行優者不許通同賄冒行劣者不許徇情姑息並不許輕信開送致被挾私中傷違者一併從重叅處

一說書以宋儒傳註爲宗行文以典實純正爲尙今後督學將四書五經性理大全蒙引存疑資治通鑑綱目大學衍義歷代名臣奏議文章正宗等書責成提調教官課令生儒誦習講解務俾淹貫三場通

曉古今適于世用其有剽竊異端邪說矜奇立異者文雖工弗錄坊間書賈止許刊行理學政治有益文業諸書其餘瑣語淫詞及一切濫刻窳蕪社稿通行嚴禁違者從重究治

一該管有司官於諸生進見須設立門簿詳悉填造或公事入或私事入悉登姓名或自構訟或爲人訟或自爲證或被牽證全載情節其有事不干已輒便出入衙門乞恩網利議論官員賢否者許卽申呈提學官以行止有虧革退若糾衆扛幫聚至十人以上罵詈官長肆行無禮爲首者照例問遣其餘不分人數多少盡行黜退爲民

一各提學官督率教官生儒務將平日所習經書義理著實講求躬行實踐不許別創書院羣聚徒黨及號召他方遊食無行之徒空談廢業因而啓奔競之門開請託之路違者許外而督撫內而該管衙門題叅處分遊士人等問擬解發



一歲科兩考定以三年內報完方許陞轉仍用新官面代不許竟離地方考試之日務須親臨蒞不許移文代委及於隔別府分調取生儒以致跋涉爲害亦不許令師生匍匐迎送考畢卽於本地方發落明示賞罰不許攜帶文卷於別處發案致令吏書乘間作弊士子無所勸懲違者題叅

一詐冒籍貫投充入學及有詭寫兩名隨處告考或假捏士夫子弟希圖倖進或係娼優隸卒之類及曾經犯罪問革變名易姓等弊僥倖出身殊壞士習訪出嚴行究問革黜若教官納賄容隱生員扶同保結者一體治罪革罷更有一種冒名頂替換卷代筆之徒尤屬傷風敗類臨時查出倍加嚴懲治罪

一考貢照近日事例每歲預將次年應貢生員屢經科舉者三人一正二倍嚴加考選或年衰文謬不許濫收如正貢不堪合以生員告老則取陪貢至于一陪不堪更及二陪若有停廩降廩後既考居二等亦許收復未收復者不許起送應貢

一補貢有缺務查人文未經到部果在一年以裏者將原給批咨硃卷追繳方挨次取年力精壯文學優長者一人補貢定限該貢年分次年到期方准收考如有不遵舊例將年遠貢缺濫補市恩者起送到部卽將本生發回革廩肄業提學官叅究

一遇鄉試年分應試生儒名數各直省每舉人一名止許取科舉三十名監生亦依解額照數起送有多送一各者各監試官徑行裁革不許入場如取送過多查叅議處

一提學官奉

勅專督學校各撫按二司官不許侵伊職掌行事提學官巡歷所屬除教官生員干犯行止合行嚴懲外不許泛受民詞侵官喜事其生員犯



罪或事須對理者聽該管衙門提問不許護短曲庇致令有所倚恃  
抗拒公法

一名宦鄉賢孝子節婦及鄉飲禮賓皆

國之重典風教所關今後提學官遇有呈請務須核實確據非年久論  
定者不得舉鄉賢名宦非始終無議者不許舉節婦孝子非鄉里推  
服者不得舉鄉飲賓僕如有妄舉受人請求者師生人等卽以行止  
有虧論其從前冒濫混雜有玷明典者徑自查革

一考試出題須要明白正大不得割裂文義以傷雅道至于文章等第  
原有定評以後督學批語宜從簡質或平正或明暢或典實或爾雅  
各視其文毋生枝葉亦省工夫專校閱之一助

一淡薄質素儒者家風如以浮靡輕佻相高縱酒宿娼蕩閑敗檢自等  
於市井年少之輩有犯必黜不得少貸凡遇

聖節

元旦

冬至丁祭一應禮儀務要整齊嚴肅有高卧不赴及參錯驕蹇者卽行  
責治至于謁見上官毋失禮毋足恭要須循循雅飭師生教習皆可  
覘矣

一社學卽古家塾黨庠遺意養蒙育德所關不小近日多荒劣老生不  
識字義無分句讀入門一差終身難改今後提學官當加意作興每  
鄉置社學一區仍曉諭見在社師及願充者齊集赴考果文義通曉  
行誼謹厚者方准充補免其差役量給廩餼以優贍之不堪者卽行  
革退督學按臨之日併約正副姓名冊報查考

申飭學政條例

一學臣舊有考覈之例今後督學御史提學道必歲科兩試俱週臣部



考覈稱職御史咨都察院回道管事道臣咨吏部照常陞轉外任其公明尤著者照舊例題請優陞京堂狗私溺職者叅處

以上係原定例

康熙十三年正月內吏部等衙門會議題

准學道三年任滿呈報吏部照常改補如該督撫以稱職薦舉者照例以叅議道用以公明尤著保舉者照例內陞京堂若有狗私溺職等弊聽該督撫指名題叅康熙十八年四月內本部等衙門覆

准左都御史魏象樞一疏學道任滿令本官將履歷行過事實據寔開寫呈報督撫該督撫將十弊分欵註明合詞具題吏部照例考核學院任滿亦宜自行具疏十弊作何釐剔逐一題明吏部考覈康熙二十六年十一月內吏部等衙門題

准學道任滿停止保舉公明尤著其薦舉稱職者由吏部彙齊開列恭候

欽定一員以京堂用其餘俱停其先用以應陞道缺補用咨送平常者仍照舊例以原銜用如有溺職者應令該督撫不時題叅若督撫將不稱職者薦舉稱職或溺職者徇情不行題叅被傍人首告或被科道糾叅將該督撫從重治罪

一學臣赴任報滿當恪遵定例康熙十一年十二月內本部覆准查新補學道例由吏部移送臣部具題請

勅令其赴任嗣後新補學道不許赴席宴會一經領

勅次日即行赴任如有逗留都中赴席宴會者許科道官指名叅處至于各省舊任學道考試已竣俱于十一月內報滿到部如違定限即以戀缺題叅議處

一學臣舊官候考新官未補中間易致曠廢學政凡學院道兩考完日先報臣部即咨吏部銓補新官依限赴任面相交代以杜署事諸弊



其舊官聽候考覈陞轉處分

一學臣到任卽將日期報部以到任日爲始歲考限十二個月考完每三個月解卷一次科考分四次解卷臣部會同禮科磨勘所取生童文字以純正典雅爲主如有詭怪舛謬者除本生參革外學臣請處分凡解卷一次磨勘四卷以下每一卷罰俸三個月至五卷以上每二卷降職一級十卷以上革職以上係原定例康熙七年定學臣考完兩府卽將原卷解部康熙八年定爲六個月解一次康熙十二年吏部等衙門會議欽奉

上諭一疏停止解卷各學臣但以考試生童名冊送部查驗康熙十八年四月內禮部等衙門覆

准左都御史魏象樞一疏學臣考過學冊一年二季解送禮部於新舊學冊嚴加查對如有額外濫取朦報等弊者題參康熙二十五年七

月內本部題

准學臣歲考已畢將簡明文冊送部查對一次解冊到日立行驗收當堂給發批迴科考畢亦如之總計各學臣三年任內只令解冊二次其違限不解者仍照定例參處

一各省直生員不許聚衆結社糾黨生事及濫刻選文憲稿如有犯者聽臣部禮科糾參重處學臣以失職論

一教官生員不遵教條生事違法者學臣嚴行懲究若與武職兵丁有爭教官生員聽學臣處治不許武職擅責武職兵丁該管衙門處治不許生員結黨爭抗

一各省直學臣不宜久缺失教各撫臣務將見缺盡數題報請下吏部選補以前有不由科貢出身冒濫教職者一併題明送部別用若部選教職未到止許本學及別學官署事不得濫委雜流



考試事例

一憲綱冊凡不關學政者不必槩造其式首提調正官次佐貳首領履歷教官備造履歷仍開習某經各官下註在任公出等字以便接見見時免用手本次鄉賢名宦見在祀者各爵里姓名行實并奉到某督學明文次旌獎過孝子順孫義夫節婦各姓名年歲籍址行實係何人舉報併奉到某督學明文次先聖先賢祠墓次鄉士大夫各開履歷爵里名號及見任致仕丁憂養病等項及舉貢監生舉人仍註某科次有無山林隱逸懷才抱德之士次請舉鄉飲賓介行實姓名及某人保舉次射圃社學鄉約址所教讀約正副姓名次學田地畝廩房租稅數目次本郡州縣山川圖誌名賢著述書籍碑刻古蹟以上各爲一欸

一格眼冊提調官督令該學查照舊式將通學生員年貌籍貫三代所習經書及某年月日入學某年月日考取幾等幾名中間補廩補增停降發社收復科舉及丁憂緣事改名給假患病等項挨年順月逐一明開內廩增附青社各以資次爲序廩停未降者附廩末降增附者列增附前增未降者列增後降附者列附前緣事者要見曾否歸結患病給假者原限何時復學丁憂者何時服闋累次未經歲考者原係何因改經改學改名者原入何學原習何經原係何名問革者奉何衙門批問俱要各生親筆填註不許吏書代書中有差錯各生任之惟患病給假許吏書查實代書後本生復學用紙大如格眼親書繳送以便更貼其武生寄學者亦照式填註冊末凡舊案有名今中式應貢告老病故援例等項未經除名者俱明白開欸附于冊後上用提調印下用儒學印候考核牌到一月內人解閱如有錯漏增減及隱匿事情者教官議處吏坐贓究革案驗到後有告改名改



經者一切禁止以省混擾

一便覽冊查照舊規開造通學生員若干內廩增附青社等項各若干名見在聽考若干名丁憂患病等項若干名必總撤相合其前案幾等生員幾名科舉幾名賞格幾何行優行劣幾名童生入學儒士科舉各若干名送考遺才若干名取科舉若干名止具總數併五科內鄉試及十年以內所出過題目候出巡下馬日送

一官員賢否遵照

勅諭例應品覈文到各府州縣掌印官卽照舊式備造僚屬履歷及以前薦獎戒飭緣由填註考語事實教官更分年力志行學識教規四款內有賢不肖之尤者另具揭帖限一月內送閱按臨再送新任及改節改過者季終續報縣正以上將任內作興學校事跡備申報奪儒學掌印官若遇有陞遷及會試等事故提調官卽查年深訓導委署

一學俱缺卽將別學附近者詳委一應經手書籍器物學糧文卷交盤明白申報批允方許離任如應聘及丁憂等項查無違礙一面准行一面申報各州縣署印勿得轉委教官卽承委乏用亦須申詳督學批允方行止守倉庫勿干別事各府州縣禮房吏及學吏轉考俱候詳允方准起送違者究革

一考案一等文理平通增附青社俱補廩無缺附青社先補增無增缺青社先復附仍各候廩原廩增停降者俱准收復候序補廩二等文理亦通增補廩附青社俱補增無增缺青社先復附原停廩降增者俱准復廩廩增降附者止准復增候補不准補廩三等文理畧通賞罰俱無原停廩者照例准收復候廩其丁憂起復病痊考復緣事辭復及原增降附者亦准復照新舊間補青衣發社者准復附廩已降增者不准復四等文理有疵廩姑免責照例停廩不作缺限六個月



送考定奪原係停降者不准限考姑照舊青衣發社者不准復仍同增附各朴責五等文理荒謬廩停作缺原停廩降增增降附附降青衣青衣發社原降增降附者照增附遞降俱候歲考定奪原發社者徑黜爲民六等文理不通廩膳十年以上發附近六年以上與增廣十年以上發本處各充吏不願者聽餘俱黜退爲民內補廩進學未及六年者姑發社作養

一幫補新舊相間考案爲新丁憂起復病痊考復停降考復緣事辯復爲舊無新儘舊無舊儘新而新舊總以考案先後爲主如第一是新則先新後舊第一是舊則先舊後新丁憂以下四項考居一二等俱照名次先後爲序卽起復亦不開服闋先後惟考居三等先儘丁憂起復次病痊考復次停降考復次緣事辯復挨次序補如起復等項有一二人同時候補者以明文到日先後爲序明文同到者以原補

廩先後爲序若考後有起復准復者序於與考之後不得攙越缺出該學次日卽查係廩增某人某事故見缺應補查得上首補過某行某人今該補某行某人下首見有某行某人候缺仍明開缺出月日取具教官并本生及上首下首生不致攙越賄囑結狀申提調官覆勘無疑申文詳奪仍照前明開以便批發該學若留難至三日以上提調官若遲至七日以上吏俱問罪補增亦如廩例其增廣補廩遺下增缺須前詳允到方許作缺呈詳頂補不得兩項并申如有朦朧攙越者事發教官以贓論本生黜保結生降罰

一歲貢正陪俱要屢經科舉者方准仍以食糧年深爲序同補則以原考案爲序除停廩未復者緣事開糧者服闋及告病給假過限不補考者服滿未補而緣事停降未復而丁憂者俱扣算作曠外其餘俱不作曠停降考復緣事辯復者以文到日爲始准作實數降增而復



補廩者准前後通算就中校其糧數年月最深者爲正貢其次以是爲差每遇取考文到提調官取教官廩膳里鄰合例甘結備造年貌籍貫科舉次數起送考選出巡遇便投考考中領文日卽開糧作缺若已領硃卷卽該年貢數丁憂患病不另補如一年內人文未到部而病故問革者有司將原領卷單追繳另送考選其領過盤費問革者追病故者免若考後衰老荒疎不堪充貢者同致仕優免不補貢其有捏添科舉隱匿停降及受賄讓貢爭貢者黜起送官吏俱查究一生員凡服闋者呈學轉提調官查無違礙照舊規取師生里鄰保結面試經書論三篇廩解卷詳奪增附青社徑行學收復報驗過限三月申究半年廩作曠增附降革一年黜凡告假者該學明開事由地方呈提調官轉詳批允放行不得誤歲考違者黜果千里外未能卽回勘明取結詳道限三月補考再違者黜凡患病者提調官取該學

及醫生甘結按臨半年前開報限三月內補考違限者青衣徑黜廩停作曠增降附附降青衣再違三月俱黜無故臨考不到者徑黜凡緣事者承問官一面取問一面申詳若別衙門批允復學或問革俱抄招請詳非奉督學明文不得收學不得除名按臨時除重犯候詳外輕罪與干證雖未詳允俱送考不得槩造緣事避考廩膳緣事三個月以上不結開糧不作缺事結供明准補支但問罪卽不犯革亦備查拘發收復月日俱作曠不補支凡告改學改姓改名改經者俱屬弊竇槩不准果姓應歸宗名真犯諱與願改春秋禮記者發落畢呈奪凡願告老者呈學轉提調官查無違礙取結按臨半月前具申准行照例優免若已赴考及緣事未結青衣發社與行止不端者不准以上凡批限補考者違限半月掌印教官申報考附一二等者不准幫補四五六等照案行凡補考者提調官面試經書論各一篇卽



將原卷固封令本生親齎送考對驗以防冒替等弊不必教官伴送一科舉通學有志者俱准送考優等幫補及劣等降黜亦照歲考例行教官有志及在籍恩歲貢生監生願就本省鄉試者俱許與生員一體送考卷面書官字貢字監字另案發落生員雖取科舉而行止不端者重卽黜革輕亦不准應試儒士必三場俱通者方准送試不許泛濫至考選遺才務照例取名數錄送其假滿病痊事結未經補考者不得混錄

一童生入學進身之始不可不嚴爲之防文到如州縣掌印官不係科貢出身申府另委先期曉諭報名取里隣甘結身家無刑喪替冒各項違礙方准收考每府各州縣闋會一齊同考府試亦類齊一日以防重冒其入學照舊例限數縣考取二倍府考取一倍科舉年送考儒士減十之五多者截回該府考取已定一面先將名數揭具花名

呈報一面榜示所取童生照次序五人爲一結取行優廩生親筆花押保結查照格眼冊式當堂令各童生照寫卷字樣親填年貌籍貫三代經書類爲一冊并各結狀黏送各童生填寫年貌務要一一肖真以便查對其點名手冊仍寫年貌有不對者革出每名仍開保結廩生姓名於下點名時廩生與同結五人互相覺察如有倩代等弊卽時舉報容隱者五人連坐廩生黜革其府州縣原取真卷合釘封貯候發落日查對黜退生員原不係行檢而年資可進者提調官准與童生一體考選有別處寄學改回及稱遊學隨任等事另送者悉不准行入府學者卽於各州縣內量撥不必另送發案日再行覆試筆跡雖相同而文理不通者亦不准入學

一武生考校卽於考校文生後踵行取進武生無武學處照例屬文學教官管理其降黜劣行等事宜悉照文生例行除騎射外教以武經



七書百將傳及孝經四書等俾知大義遇試考其騎射文義通曉者方准取補提調官仍將各學射圃修葺置備弓矢教官率生員武生較射其中以飭武備

一各府州縣奉到一應未完事件及缺官廩銀田租紙贖與稽考一應收補復學各項循環簿式及比銷事規俱照舊條例行紙未盡者不必另置以省煩費其學田租賦應給贍貧等費務在嚴覈舉行俾沾實惠毋聽奸胥冒濫侵欺除通查各學田原額若干每年額租若干先造清冊報部外每年終將用過某費若干項贍過貧生某人若干名詳開舊管新收開除實在造冊申明以憑報部如冊報隱漏遲延賑濟虛名無實及教官學霸強豪之家私據侵占者查出按法追究一出巡半月前行巡視學校紙牌三日前行起馬牌各提調教官遇紙牌到將應考生童冊籍併應行事宜逐一備完府提調官遇起馬牌到一面將各處生童數目開揭送查一面就近調取應考生童可足兩場者候考其餘俟下馬日品搭定期出示調取免致官生久候經臨地方巡捕官量帶兵快於交界處防護

勅印其餘夫馬按臨伺候不得另批迎接官吏師生不許出郭迎送程途非六十里不得備辦中火每飯葷素不得過五器有驛州縣及非宿驛不必另送下程吏書馬繫樁自行上下貼轎近行馬夫先送雨具不許近前兵快執肅靜牌二面於執事前迴避牌二面於吏書前如遇紆途曲巷預先屏人但有潛行探聽及乘機餽送吏書者即便拏究敢有容令跪道投書稟見者巡捕員役重究該州縣原係何官巡捕不許代替如違提吏究罪按臨下馬先將巡捕官及修理衙門委官職名巡視人役姓名開揭送查

一住劄衙門須寬大可試四五百人高垣厚壁環覆以棘不許故留水



道穴隙及假墻虛壁一切弊竇吏書房不得近厠厠厠不得近巷市仍各總界一門以便封鎖門各異鑰鑰各異牌仍總貯一匣以便啓閉抄案門皂等房不許與外房相接須隔一墻各備行竈淨器後堂正房務整理潔淨一間安置床帳一間置淨几六張石硯筆墨水注鎮紙燈臺燭架俱全堂上平鋪地板公座紗厨架高三尺稍前仍置小公座以便接見堂下置水缸二長盤四磁罐十以便倒換試場須高廠堅密可蔽風雨不留空隙不纏柱結綵堂外以甬路分東西以千字文橫列編號每額懸粉牌一面大書某字號幾桌懸燈于上每桌前後左右相去各二尺上置界尺一下置湯器一桌脚用長竹編結以防移動仍貼某字幾號於桌面桌盡號止卽照桌數置籤東西分爲二筒每一號爲一束又備造一冊務要冊對籤號籤對桌號下馬呈遞不許遺漏差錯堂左設桌二張候放出題等書及照出手

牌三十面旁設大雲板一架堂右置長凳四條圍屏二架以便官吏暫處堂東西壁各備出題長柄牌六面提牌八面小公座前直放長桌一張鋪瓊於上北首放移席換卷丟紙說話顧盼撓越抗拒犯規吟哦不完小印十面總盛一匣印色俱全中放東西文場坐號籤筒南首留與教官用印兩旁各設受卷條桌一張分置各府州縣學座牌在上每桌各置界尺四條呈文紙五十張筆墨硯各一照進長柄粉牌二面月臺設小雲板一架連槌在飲茶桌前飲茶桌一張橫放置茶四大壺薑湯二壺上用紙帖明開薑茶字茶鍾六個冬春備火盆木炭相連又設桌一張直放上置飲茶小印一面印色全界尺四條以便放卷相離五尺甬道中又設木柵一架連槌在出恭桌前出恭桌一張橫放上置出恭小印一面印色全界尺四條以便放卷文場四隅各置粗壯桌一張銅鑼四面以備巡綽人役站立瞭望左角



門邊蓆圍行竈中備食盆水缸水桶及碗碟等物合用水菜俱全右  
角門邊置淨桶四個俱用蘆蓆編圍約高四尺上不用蓋以便遠觀  
不許附近外牆二門內大門外各設大鼓一面前堂後堂高燈八座  
甬道掛燈八盞二門大門高燈各四座二門內兩邊暫用圍屏遮蔽  
設桌凳以備官吏輪流憩息事畢照數給領其合用五經四書性理  
通鑑綱目及小學武經七書等書教官先一日呈送完日領回  
一按臨下馬執事卷損暫止大門外俟轎夫出把門官吏暫閉大門督  
學先入安置

勅印巡捕官入後堂檢視各房墻垣封鎖書吏出堂巡捕官同押損官驗  
交卷損次皂隸繳執事次掌印官送聽事員役柴燭等項驛官送廩  
給鋪陳總具一冊巡捕官搜檢收畢仍閉門更衣升堂各官吏師生  
序進遂起驛丞稟見各官師生先行兩拜禮舊規免拜者不稟拜見  
畢各官通一應文冊暮夜風雨次日相見見畢官生各回不再見巡  
捕官率兵快晝夜巡邏但有沿墻窺竇拋磚擲瓦及行走踪跡可疑  
者卽拏送究新到星相醫卜面生之人驅逐不容留住如違巡捕官  
責治地方歇家鄰佑連坐

一按臨次日祇謁

先師官吏師生禮生止於櫺星門伺候一躬不必稟接及沿街導引拜  
畢升明倫堂官生以次揖見如禮應坐官遵照

憲綱序坐講書生員總出班一揖西向立講畢不必揖跪以次下堂東  
向立俟行賞罰畢官吏師生先出不必赴謝是日衙門投文畢放告  
巡捕官役摻檢明白放入事不關學校者不准與生員有隙故行牽  
扯者責究

一在劄處所初到日照常送米麪一次以後發簿照數辦送各該調考



州縣不許另送下程如久住去處柴炭油燭及門皂柴米俱酌定數日五日一送筆墨紙劄候票取方送送進物件巡捕官細搜如遇考校日期生儒供給俱先一日送進每名大餅六個水果四枚夏月加西瓜半個卽置每桌上教官仍給飯一餐俱要精潔堪用敢以惡濫冒破官錢該吏坐贓問罪各員役供給亦先日預貯各州縣同日考者先期扣算合用銀若干會同總辦以免偏累事畢通前公費及一應修理衙門置辦器皿給賞花紅紙筆之費一併造冊各具總數若干候起馬日呈報以憑查考

一 生童試卷各照舊式置辦不許長短不齊卷面中間照常三圈上圈填某府州縣中圈生員填廩增附青社字童生填童字武生填武字下圈填某經接縫處上用提調下用儒學各印鈐蓋提調官置印信方簿一樣二扇面開某府州縣生員號簿內開送考各生姓名下註

廩增附青社等項字樣人各一行各名上留空白二寸許以備填號仍照千字文置籤一筒內形音相似如冰水王玉宇兩辰臣之類除去不用考前二日提調官信手抽籤填簿照號填卷背後圈內用教官印鈐蓋摺疊彌封用提調官印鈐外用浮票楷書姓名黏卷面第三圈下旁留少許填坐號仍用提調印鈐半在卷半在票號簿固封各提調處童生卷俱同其生員點進手冊照廩增附青社次序開造臨期提調官於大門外每二十名爲一牌唱名序進二門外搜檢散卷每卷二十爲一封上書某學第幾牌試卷印鈐總置卷箱散訖將空箱連鎖鑰送進童生各式俱與生員同惟序進查照廩生結狀類造以便識認教官試卷提調官備卷面明書職名願科舉者與生員一體編號

一 試日合用員役印卷受卷散籤給牌官東西共二員以精敏教官充



之供給巡綽官各一員司儀門啓閉官一員俱以州縣賢能佐貳或府衛首領充之能書吏四名管寫題畢以二名司茶二名司恭司茶者各管受卷司恭者各管封卷東西各能幹官二員早司照進牌晚收照出牌以巡檢大使充之厨役二名巡綽瞭望快手八名分爲二班外用巡捕官二員以謹畏佐貳首領官充之報門吏二名試之日二吏把門二官分東西帶領民壯二十名軍牢二十名搜檢仍坐名挨次派定二十對不許那動搜檢官二員以衛所官充之其寫題受卷封卷以受卷官督理司恭司茶厨役以供給官督理巡綽瞭望以巡綽官督理照進照出以司儀門官督理俱先一日開具姓名手冊呈驗仍於隔別州縣分派二班以備臨期抽用各員役日午給飯一餐候飯熟供給官稟明二門內擊鼓三聲督率內班皂隸用食盒散給以上除職官原有職守各吏役人等須擇忠實勤敏者送用如中間有受賄傳遞等情事發並生童一體重究提調官亦不得辭責在內各員役每名仍各與事例一本俾將本等執事演習慣熟無至臨時周章差錯

一試日漏下五鼓外巡兵壯舉放三銃以便諸生齊集執牌吏將生儒照次擺齊候開門提調官免掛巡捕官帶民壯軍牢四十名至儀門外站立兩旁次將內執事員役搜檢點進生員各戴頂帽手持筆硯水注隨牌聽點該州縣提調官於大門外查照所造手冊唱名隨牌引至儀門外魚貫序立搜檢官連唱仔細搜檢兩班齊應二人對搜一人搜畢府提調官點名給卷仍令同列辨認互相覺察如有懷挾片紙隻字及金銀等物或冒籍頂名代考者本生照律例問罪枷號搜獲員役重行獎賞執照進牌官引二十人至公座前聽點名用隔別州縣軍壯覆搜若搜出情弊內搜檢員役破格獎賞外搜檢員役



究贓重治印卷散籤教官在小公座前夾直放長桌東西相向照點冊唱名本生高聲答應隨執試卷於東立教官桌上用督學印一顆西立教官信手掣籤給本生卽令吏填註卷面浮票上以防換籤東籤者東下西籤者西下各認號就坐督學不時摘查數號如已得籤往來行走故不進號及已就坐東西觀望者扶出黜退進畢內搜檢員役出提調官教官將原點名手冊繳入計入考總若干名有不到者大書不到二字於本名卷上一併送查點名後方到者抹卷扶出巡捕官稟領大門鎖鑰查大門內二門外並無一人方從外封鎖次司儀門官將儀門封鎖鎖畢堂上擊雲板一聲肅靜官吏執題目牌於甬路上下行走俾其熟視短視者立稟教官將題高誦二三遍不許往就兵快輪班站立瞭望下班者退入儀門房內凡遇各項犯規認定行次面貌擊鑼一聲高稟某號第幾桌生員犯某事本生自持

卷赴堂印記二人共犯二卷同印推推者以抗拒論黜如犯規不舉及不犯而妄稟者各員役重究已時供給官稟明二門上擊鼓三聲方許飲茶出恭飲茶者趨飲茶桌自擊小雲板一聲東坐者放卷於桌之東西坐者放卷於桌之西司茶吏印飲茶二字飲畢領卷自擊雲板二聲復位出恭者趨出恭桌自擊木梆一聲亦各東西放卷執出恭牌由甬路中行司恭吏印出恭二字恭畢領卷自擊木梆二聲復位二生不許並出偶有並出稍後者於甬路拱立待先者復位始行攙亂者及不交卷不擊梆領牌不由中行者候恭候茶時並立接談者俱印犯規二字飲茶出恭止許一次重出者不准卷面仍印犯規二字但有一人交卷卽撤去飲茶出恭桌是日各執事員役須肅靜不許輕出一聲以亂文思惟未時大門外重擊鼓三聲堂上巡緝官接雲板三聲呼快膳真申時大門外重擊鼓四聲堂上擊雲板四



聲呼快交卷申末大門外重擊鼓五聲堂上接雲板五聲不論已未  
膳完俱交卷不交者收卷扶出決不給燭其原給號籤同卷交還把  
大門官務要依時擊鼓不許亂擊以混聽聞交卷時司儀門官督率  
執事官二員侍立二門以一員收照出牌以一員司啓閉受卷官東  
西各一員督率受卷封卷吏四名分立桌旁照各府州縣座牌交收  
交卷時本生卽將浮票扯下帶回受卷官每收一卷先檢閱卷面背  
如不扯浮帖或書寫姓名門第關節及卷內夾帶片紙者不許給牌  
卽時稟究篇數不完者印不完二字卷上有犯規等項印記者不許  
給牌將卷仍付本生執立堂下候出盡查係移席換卷丟紙者徑黜  
退餘俱分別責治受卷官一面督各吏將所收卷每學以十卷爲一  
束三束爲一封註明某學三十卷某官某吏封送判收貯各卷箱生  
員領牌從甬道中直趨儀門候三十牌足司儀門官稟請鎖鑰開二

門收一牌方放一人如無牌者卽係夾帶試卷司儀門官拘留稟究  
如卷完而值牌盡執卷立等已收足三十牌巡綽官公同數明繳上  
原桌高聲稟收牌訖擊鼓一聲大門外巡捕官亦擊鼓一聲從外關  
鎖門止半開逐一放出把大門官吏不許入限內儀門官吏不許出  
限外違者嚴究凡開大門放出如容閒人在外探聽并潛入大門內  
者各員役究贓重治生員出盡收卷官計算收過籤數與散過籤數  
有無多寡收過卷數與送考人數有無異同查算明確稟請點名手  
冊填報於後考童生儒士俱同生員試畢次日免謝各回寓所靜聽  
發落如發落稍遲候牌示暫回臨期調取

一發落先一日牌出提調官預將堪用絹紗絨花紙墨筆等項絹紗或  
平價折銀絨花仍用三等前數十名各備京文紙若干刀紙花二枝  
整辦造冊明開丈尺價值於各項下仍將前次督學賞格附開冊後



以憑查酌當日送進次日開門提調官將印鈐寫就等第名數起止  
文案並閱過試卷領出拆號預將與考生童喚齊先拆不取童生卷  
查對明白卽將各卷唱名給看仍收類繳次拆六等生員卷查對明  
白卽將各卷唱名給看亦收類繳此二項如有字號差錯等弊許持  
卷進稟查如無別弊諭令先散次拆生員一等至五等及取中童生  
卷各填卷填案明白亦將卷唱名給看發案之日凡生員應幫補者  
卽查明開揭同原編號簿送查教官隨領諸生聽候發落先將訪過  
行優行劣生員同衆審問衆情厭服方行賞罰行畢諸生聽候照序  
唱名各生循序至簷下一等二等各爲一班三等人多量分起數各  
將領過卷親自交還領賞罰畢用鼓樂導引行優者居前次一等次  
二等者俱由中門出次三等及四五等俱由西角門出各照名次行  
攬越者責革若字號差錯卽時稟查發落不到者革頂帶限一月考  
奪取中童生卽隨生員進以次發落次日各該提調官仍率該學教  
官聽候考察外縣官吏師生當日辭回不必候送

一每日辰時投文申時領文把門吏領出印信號簿二扇一扇登記發  
行公文一扇遇各衙門遞到公文先檢無磨洗拆動夾帶私書等弊  
方許登記詳驗批文各幾角幾件巡捕官印驗訖二字付原役投入  
詳審補考比銷各隨牌入舖遞公文亦照前登記每日門吏各註姓  
名備查如員役刁難需索許稟拏問其考記閱卷之日一應公文俱  
巡捕官驗送駐劄劄州縣登簿收貯每一日總爲一束候發落完類開  
手冊送進有批迴者該衙門徑註收發批後發落完日類送一切書  
札徑自阻回非有十分緊急公事不許傳鼓經過士夫枉顧者守門  
吏跪稟收帖如違重究

學道考試遲延 欽定則例 禮



一提學道考試遲延限內不能完結者降一級調用

試差積弊

禮部爲試差之積弊日甚仰請

睿鑒除弊清源以肅學政事九卿詹事科道會議得湖廣總督郭琇爲試差積弊疏一欵查先經臣等會議疏稱童子一試習弊不止一端督撫之陋例名曰棚規藩臬司道名日常規知府提調每州縣攬去二三名甚至盡數包去兼之勢宦之情面京札之投托再武童緣不行磨勘盡充囊橐復有書吏皂快水夫火夫之討賞祈先嚴督撫之處分如知府考送童生文理不通者學臣試出卽申請督撫題叅革職提問如學臣扶同作弊亦革職提問等語查學政全書內開學臣貪贓督撫指叅者革職提問督撫需索陋規者亦炤貪贓例處分至上司同僚京官鄉宦私書及親戚朋友討情者有官者革職無官者交與刑部從重治罪等語督撫勒索棚規藩臬司道勒索常規及教管巡捕進士舉人說情並書吏皂快等討賞等項事發將有官者革職提問無官者從重治罪若學臣徇情市恩者亦革職一併提問知府如有包攬入學童生要挾指勒將文理不通之童生送考者或學臣申報或督撫查叅將知府革職提問學臣與提調知府扶同作弊者一併革職提問督撫不行查叅學臣不行申報者俱革職 又疏稱湖廣更有造冊報部時正額外每學插入數名售與從未入試之棍徒名曰附案其生員病故改名承頂者名曰鬼接頭再以此學改入彼學售人承頂者名曰飛過海祈嚴飭禁革再有營謀者以光棍例治罪學臣以貪官例議處等語查學政全書內開報部學冊額外溢取以趙甲頂補錢乙朦混附入正額報部該督撫指叅照貪贓例提問等語嗣後考試生員有額外溢取改名易姓頂補此學改入彼學



等弊者或被督撫糾參或部科查出將該學臣卽炤貪官例革職提問賄進諸生炤光棍例治罪等語今張鵬翮李光地所議俱與臣等原議相符應炤臣等原議通行嚴飭外其鵬翮疏稱督撫有謝考開送生童州縣官將所取案首半價致餽州縣教官有效力酬勞分潤各色提鎮駐防副將參遊守亦皆罔利等語相應一併嚴禁嗣後督撫如有謝考名色及開送生童者照勒索棚規治罪州縣官賄荐案首及各官効勞分肥提鎮等官說情并學臣扶同者事發俱炤例治罪學臣遇有挾制干請者應如彭鵬所議准徑寔封上

聞又彭鵬稱奸胥猾吏勾通惡劣蠹棍貴遊勢僕私親密友招搖之處應責令地方官查拿炤光棍例治罪再祖父兄弟爲子孫弟兄營謀者應炤彭鵬所議除本童責革外祖父兄弟有官者革職無官者從重治罪又州縣考取童生送府知府考取童生送道名數郭琇原疏應炤定額不得濫取今彭鵬疏稱不肖知府按倍收錄非錢神則勢力孤寒向隅與其限數無寧廣收相應如彭鵬所議州縣府取童生不必限數炤常考送其府取荒謬不通故意朦混亦應如彭鵬所議准學臣申報核參其縣府道試卷一併解送學臣三連對驗筆跡康熙三十九年十一月十八日奉

旨依議

直隸科歲童生增額

禮部爲遵

旨具題事再議得直督趙弘燮疏稱直隸府學及州縣衛之大中小學進取歲科兩試童生自五十五年爲始俱照江浙兩省之額等因具題前來查順天府學取進二十五名大宛兩縣各取進二十名與江浙相同無容加增其餘府學定額各二十名今各加增三名共各取二



十三名州縣衛大學定額各十五名今各加增三名共各取進十八名中學定額各十三名今各加增二名共各取進十五名小學定額各八名今各加增二名共各取進十名俟五十五年爲始俟

命下之日載入學政全書永遠遵行可也康熙五十四年十二月十八日奉

旨依議

粵東衛所各另取童生一名

禮部爲普天士子雨露均沾等事會議得廣撫楊琳疏稱粵東各衛所

屯丁荷蒙

聖恩休養生息戶口日繁其間俊秀子弟群習詩書思圖上進伏思

皇上誕敷文教雅意作人如黔楚之苗徭童生准其與試近如四川烏蒙

土府亦准立學且各多有額設衛學獨粵東衛所屯丁未獲一近賢

官請將廣州前右南海清遠肇慶惠州碣石潮州八衛及南雄龍川

二所文武童生各取進一名每遇歲科兩試令衛所官造報各童姓

名移送附近州縣考錄送府知府彙考起送學臣按額取進撥入各

該府學肄業令府學教職督率訓誨其補廩出貢卽附入府學原額

之內不必設學設官則不致糜費國帑而衛所各童上進有階等語

查五十四年原任湖學薄有德疏稱苗徭另編字號于該縣正額之

外量取一二名之處具題臣部議覆奉

旨依議考取苗徭照該學政所請另編字號於正額外量取秀才一二名

欽此欽遵在案再查別省所有設立衛學者有附入州縣考取者今

該撫旣稱粵東衛所童生不得在州縣考試又不另請立額則皓首

窮經終身不得一衿請不必另設學設官于正額外取進文武童生

各一二名撥入府學肄業其補廩出貢卽附入府學原額之內應如



該撫所請將廣州前右等八衛二所文武童生各取一名俟  
命下之日行令該撫遵行可也康熙五十五年三月二十三日奉  
旨依議

府州縣同日考試陪貢准作拔貢

禮部爲撫臣竒貪等事該臣等會同吏刑二部議得准署理川陝總督  
事務尚書席爾達疏稱原任革職提督岳昇龍疏叅革職巡撫于養  
志竒貪等事案內一欵欲革除賣秀才之弊惟有不許學道出巡考  
試一法學道止令其駐節省會歲科二試先期通頒所屬州縣考試  
日期俱同此一日不許以他事更改及府考日期各府亦同此一日  
廩結互結仍照舊例行將收取名數造冊呈送道考則封發題目責  
令知府監考彌封卷面各該府考訖照號數造冊并卷呈送不許知  
府親費學道閱文選取將卷同案發府拆示科歲秀才亦封題發府  
監考呈卷該道以定等第學道選拔從無一名秉公者請停其拔貢  
將正貢之次名陪貢准其拔貢等語查歲科試時府州縣同日考試  
則冒籍頂名之弊可除相應如該督所請嗣後歲科二試學臣先期  
行文所屬州縣定期同日考試童生至府考亦先行文各府定期同  
日考試俱不許以他事更改廩保互結仍照舊例行其選取拔貢係  
題請奉

旨特行之典今既稱學道選拔從無一名秉公者嗣後遇拔貢之年相應  
如該督所請將陪貢准作拔貢至學道考試諸弊現經九卿會議定  
有嚴例奉

旨依議欽遵通行在案其所稱學道考試不許出巡及封題發府監考之  
處應無庸議可也康熙三十九年十二月十二日奉  
旨依議



精熟成誦優錄并論題出性理

禮部爲試差之積弊日甚等事九卿等會議直撫李光地疏學臣于考校之日有能將經書小學講誦精熟者文理粗成便與錄取如更能成誦三經以至五經者仍與補廩又稱科場論題當兼性命理綱目今孝經題目至少以致重複雷同語應如李光地所議行令學臣有將經書小學真能精熟及真能成誦三經五經者該學臣酌量優錄其孝經論題原少嗣後將性理中太極圖說通書西銘正蒙等書一併命題可也康熙三十九年十一月十八日奉

旨依議

童子考試四書小學各出一題

吏部爲

聖治彌隆等事該九卿等衙門會覆御史荆元寔題前事會議得崇小學

以端寔行邪正分子童蒙倫誼莫先孝友小學一書言動飲食教之明倫檢身所謂蒙以養正也請

勅學臣考試童子令出四書小學題各一道進學後則仍不用庶人皆講習而身心檢攝行誼可惇等語查小學一書令幼童講習于身心行誼頗有裨益嗣後自三十七年爲始考試童子時令出四書一題做八股出小學一道作論一篇通行學院道并載入學政全書一體遵行康熙三十六年四月初七日奉

旨依議

儒童正考仍試八股二篇

一禮部爲請復試題舊制以絕僥倖以崇實學事九卿詹事科道會議得提督江南學政張廷樞疏稱儒童試卷書藝疏通者極多而論藝條暢者絕少請復舊例儒童正考時仍試八股二篇覆試則一書一



論仍不廢小學之教等語應如該學政張廷樞所請嗣後儒童正考時仍做八股二篇覆試則四書文一篇小學論一篇俟

命下之日通行各省學院道一體遵行可也康熙四十五年正月二十四

日奉

旨依議

武試兼作論孟二題

兵部爲

聖主加意等事該本部會同九卿議得山西太原總兵官馬見伯條奏一

疏兵部議覆奉

旨武經七書朕曾閱過其書文義多駁雜不能皆合正道孟子云仁者無敵又云天時不如地利地利不如人和與其用權謀行師曷若以王道行仁義之爲愈也前此征三逆取臺灣平定塞外蒙古朕親經理軍務

且曾躬歷行間深知用兵之道如七書所言安可盡用即今於七書中作何分別出題及增用論語孟子出題之處應另行定議至條奏祭祀文廟武官與文職一體行禮之處有合於禮將本發回着九卿等會議具奏欽此查武經七書原多權謀術數之言不合於仁義之大道就中惟孫子吳子及司馬法三種議論近正可用以出題考試嗣後考試武生武童用論二篇第一篇出論語孟子題第二篇出孫子吳子司馬法題其鄉會試原作論一篇策二篇今亦照此例出論題二道作論二篇外作策一篇如此則學武之事皆得服習孔孟之書而舊傳武經亦不致廢棄餘欵仍照兵部所議可也等因康熙四十九年十月十六日奉

旨依議

學臣解冊定限



禮部題各省學臣所轄地方俱親行按臨考較生童整飭學校職事甚繁若一年兩次解冊賚差絡繹未免煩擾自今請定爲例歲考已畢將簡明文冊送部查對一次解冊到日立行驗收當堂給發批廻科考亦如之總計各學臣三年任內只令解冊二次其違限不解者仍照定例叅處康熙二十五年七月奉

旨依議

學冊分別開送

禮部爲試差之積弊等事議覆總河張鵬翮疏稱生童試卷旣停止磨勘應令學臣三年試畢一總解冊等語查定例學臣歲考科考後各解生員等第花名冊一次原爲稽查額外溢取改名易姓頂補此學改入彼學等弊今應如所請學臣歲考後止令解全冊一次其科考後止將錄取生童等第姓名幫補月日及各項事故分別開報不必

另造四柱全冊康熙三十九年十一月十八日奉

旨依議

歲科冊內舛錯駁回改正

禮部爲請寬學臣造冊錯誤之處分以責寔效事議得掌河南道事廣西道監察御史王企靖疏稱學臣之盡職曰公曰明至于歲科報冊偶有字畫不符者不過繕寫之失所關非鉅查禮部條例學臣造冊錯誤者處分甚嚴雖有稱職之員往往以查冊不符竟至降調似非所以獎勵賢能臣請嗣後造冊之錯誤或駁令改正或量加處分則督學諸臣靡不踴躍歡欣孜孜然以公明自奮等語應如所請嗣後各省學臣報部歲科冊內如有舛錯之處駁回該學臣改正倘有名數不符朦混報部及頂補等弊不應補廩增而越補廩增不應降青而竟降青者咨行該督撫查明題叅康熙四十五年正月廿九日奉



旨依議

署學道不准考貢

禮部爲廷試事康熙二十二年三月初六日浙省准到部咨內開查前署道事李月桂等止將歲貢姓名造報並未考試其學政全書內亦未定有署學道准其考貢之例况新學道已經赴任相應移咨該撫嚴催新任學道速行考試造冊報部如新道不及赴任考試應令署道速將歲貢姓名造報毋悞廷試之期可也

接任學臣報滿限期

禮部爲請定學臣接考報滿之規以昭畫一事會議得禮部疏稱學臣缺出無有一定與其臨時督撫具題不如預定條格嗣後除鄉試後第一年接任者兩考定可無誤無庸議外其第二年接任者春夏受事則令作速考完如期報滿秋冬受事亦令如期報滿如果未能考完將未考地方多者許展限五個月少者展限三個月報滿如于鄉試年接任者料理科場事務應照例令其下次三年考試完日報滿等語查得各直省學臣歲科兩考俱周卽行報滿原有定例但接任官員若不預定年限或有遲延不行考完戀缺鑽營希圖展限者亦未可定相應如禮部原題促令赴任速考各依限報滿康熙二十六年三月二十七日奉

旨依議

舉貢就教俱免 廷試

禮部爲請停歲貢

廷試事會議得歲貢

廷試寔屬無益除先經註冊仍行挨次選用外嗣後各直省歲貢并捐納歲貢俱免其來京考試該學臣照陸續考准歲貢原卷一總造冊呈



送禮部轉咨吏部補授訓導至于貢生內有情愿入監讀書者該學臣給文起送到部劄監肄業舉人就教者亦免其

廷試具呈吏部照科分名次補用可也康熙二十六年三月初二日奉旨依議

歲貢照補廩月日爲次序

禮部爲請停歲貢

廷試事康熙二十七年二月十二日晉省准到部咨內開查二十六年三月內九卿詹事科道會議內稱嗣後各直省歲貢并捐納歲貢免其來京考試該學臣照陸續考准歲貢原卷一總造冊等因通行在案相應移咨該撫令該學道照歲貢補廩年月爲次序同日補廩者則照原考等第名次爲次序造冊報部

入監讀書

康熙三十六年四月

禮部覆國子監孫岳頌疏嗣後不論省分遠近凡歲貢有情願入監讀書者停其各學臣起送從本州縣給文准與人文到監肄業

給文赴監限期

康熙三十六年九月

一國子監咨各撫查向來成例送到貢生倘有文理不堪者聽本監駁回察處今除冊卷解部劄監外各該院道給發貢單各州縣仍給印文令本生親賫投監以憑驗到考試定奪相應移咨貴院轉行學院并州縣官隨考隨給貢單印文不得留難需索以致諸生違悞限期如給文之後近省兩個月遠省四個月雲貴六個月不赴監者不准收錄又副榜貢生到監者除布政司送部劄監外仍令本州縣給文赴監

考過選拔不到監

康熙三十六年十二月

一國子監咨各撫照得本監爲人才起見特疏題請再行選拔舊例學



道以到任之日為始隨考隨給貢單如一年之內不到監者不准收  
 在案今各學道赴任已經數月先考過一半者竟不見一人赴監且  
 本監入旂教習現在缺人懸缺以待諸生之至何得遲延不送以悞  
 諸生乎總之學道定限一年考滿其上半年考過選拔如春季不到  
 者不准收下半年考過選拔如夏秋二季不到者不准收為此煩貴  
 院轉行學院速催本州縣給與印文連貢單親身投監以便面加考  
 試文理優通者收錄如冒濫不堪者定行駁回照例叅處

副榜入監肄業

康熙四十三年九月

一禮部照會布政司嗣後中式副榜入監肄業者俱由布政司給文送  
 部

貢監期滿考職

一各貢監在國子監監滿咨部照例考職其貢監以州同州判縣丞用

例監俱以州同州判縣丞三簿吏目用

貢監生有力者捐職無力者交九卿公同考試

吏部為清考職之弊等事議得御史黃叔瓚奏稱貢監生赴吏部考職  
 行之既久積玩滋弊大率皆聽信包攬之人交付使費倩僱頂替雖  
 吏部諸臣加意釐剔而陋習相沿卒難禁革除廕生官監恩拔歲副  
 及八旂貢監炤舊例考職外其餘貢監例監俊秀概停其咨送考職  
 倣從前常平積貯地方備賑之例於各該地方積穀之多寡分職銜  
 之高下責令該州縣收貯備用等因前來查恩拔歲副及各項貢監  
 入國子監讀書年滿考職乃

國家儲材待用之盛典若一概停其考職俱令捐納則有力者得以急  
 公而無力者永無發軔之基矣嗣後各項貢監內如有情願捐納者  
 應如該御史所奏照福建泉州米價騰貴事例捐考職州同銀一百



五十兩州判銀一百二十兩縣丞一百五十兩吏目主簿銀一百兩所捐銀兩如係民籍責令州縣官收貯出給寔收布政司按季彙報戶部或係旂人竟赴戶部交納移咨臣部查明出給職銜執照照捐銀日期註冊候選如有無力捐納者于每年五月內照從前考試教職官之例交與九卿公同考試論文理之高下定職銜之差等其各省領文赴考人員令該撫轉行各地方官取具本生親筆親供里隣結狀粘連地方官印結該撫給與印文保送赴部在監肄業者令國子監取具本生親筆親供粘連同鄉京官保結國子監給與印文保送赴部旂人令該都統取具本生親筆親供粘連該叅領佐領保結都統給與印文保送赴部考試如有試卷筆跡親供不同卽係假冒頂替察出將本生斥革與頂替之人一并從重治罪如此則冒濫之弊可清而真才寔學發軔有基矣應將該御史所奏捐納職銜之處無庸議可也康熙五十七年八月初十日奉

旨依議

貢監生考職不親身赴部處分

吏部爲題明事查定例凡考試各項貢監生俱於每年五月內臣部考試以文義優劣取定州同州判縣丞主簿吏目職銜四十六年八月內九卿議覆臣部具題一疏貢監親身赴考憑文義優劣取定職銜今旣無人到部卽有到者俱係倩替該部難以稽查行文直隸各省取具印結赴部如不係親身不准考試將今歲考試暫停次年一併考試等因具題奉

旨依議欽此今本年三月內臣部將二月分大選州同李恒祥等具題奉旨此內有各樣人亦未可定交與吏部會同九卿驗看有出身不明不好者着革職嗣後爲例欽此欽遵各在案臣等查由貢監考職者雖係微



員各有臨民之責應本年五月考職貢監令各取具同鄉京官印結五人連名互結親身赴部投遞方准考試出示在案今各貢監生雖有取具印結投部查出具連名互結者並無一人相應將今年考試暫行停止行文八旂併直隸各省巡撫嗣後起送貢監生赴考文內出具委係親身並無冒名頂替印結務令親賚赴部投遞其由國子監咨送者取具同鄉京官印結亦令其親賚赴部投遞照大選各官互結之例以五人連名互結臣等按名驗看方准考試如有倩人代考者將代考之人治罪本身之職斥革如將代考之人作為本人濫行出結之同鄉京官併互結之人亦題叅治罪俟

命下之日臣部通行八旗國子監及直隸各省一體遵行可也康熙五十二年六月十八日奉

旨依議

替考職銜成案

一康熙二十二年十月浙撫王國安疏監生李元昉繼母身故以州判職銜呈報丁憂據稱張右昭應承替考亦未赴部謊稱考授州判以致元昉丁憂呈內開寫州判職銜事發之後右昭復代元昉援納州判是州判雖屬微員有闕名器豈容倩人代考冒認具呈吏部議查李元昉倩張右昭代考議酬銀八十兩于丁憂呈內又擅寫州判職銜應革職提問事在

赦前免其提問仍革去職銜

監生回籍准給假票

一國子監為永停移會等事康熙三十一年正月十七日浙省准咨內開自康熙三十年十二月為始凡監生考到肄業遇有省親完姻隨任養病等事許據寔具呈請假歸里本監照例准給假票一張領回



聽其本省鄉試定例後仍有將典簿廳移會投送本籍州縣者卽係假冒嚴行究治

主考取中昌籍

康熙三十五年十一月

禮部覆御史張泰交疏嗣後鄉試如有昌籍中式者將正副主考官交與吏部議處

昌籍中舉

吏部覆科臣徐達乾叅庶吉士王翰等一案據江寧巡撫宋犖疏稱黜縣知縣周鼎元祖父由山陽縣籍入學鼎元于康熙四年往雲南入學中丙午科舉人雖據本官堅供先此寔係雲南呈貢縣人但其祖父俱從山陽縣籍入泮發甲今簽掣黜縣知縣不迴避本省違例赴任咎寔難辭等語查周鼎元昌籍中舉是寔應革職可也康熙三十

二年二月奉

旨依議

昌籍武舉武生限內檢舉改歸原籍

兵部爲敬陳項昌等事覆直撫李光地疏稱在京昌籍舉人部覆臺臣鄭惟孜條奏以部文到日爲始限兩個月內准其自首改歸原籍出結等官亦于兩月內檢舉但從前同省異府同府異縣進學生員一概免查嗣後總行嚴禁再武舉武生昌籍之處亦應照文舉生員限內許其自首出結等官亦于限內檢舉如有過期照定例處分康熙三十九年十一月十八日奉

旨依議

昌籍出結

禮部爲敬陳項昌行查之弊仰祈

睿鑒事九卿詹事科道會議得御史鄭惟孜疏稱臣有特叅項昌一疏部



議除徐用錫外革黜九人行查四人及九卿會議以應革之王前等四人與北音之徐流謙等四人一概行查今既行查勢必漏網恐將來之效尤者不可復懲也一旦事發行查則地方官既恐士大夫之情面有妨又恐一己之處分難免其不曲爲出脫者誰乎此八人者斷斷以不係冒籍查覆矣九卿以無隙可乘何自而議革黜乎計惟有開其自新之路

皇上下沛洪恩凡今科以前未經發覺之冒籍舉人嚴定期限令其自行投首其王前等八人與徐用錫等若能據寔投首各令其改正原籍至送考收考出結各官自行檢舉亦免其處分如限滿之後本人不行投首各官不行檢舉一經叅許俱治以軍流重罪聞順天府學生員六百餘人其冒籍如李長泰等幾至二百亦請照此例完結等語應如所請除入籍已經二十年以上進學者照例不議外凡在京冒

籍舉人貢監生員以部文到之日爲始限兩個月內許令其具呈自首禮部查明改歸原籍肄業如過期者不准行仍照例黜革其出結等官亦於兩個月限內檢舉如過限檢舉者仍照定例處分嗣後凡有濫認父母假冒籍貫品行不端者或被宗族隣里告發或被科道糾叅查審明確卽行黜革仍交刑部疏內又稱大宛兩縣保廩審音及各處送考收考出結官員行查處分之例亦嚴加更定等語查例冒籍保廩黜革收考送考官降級出結官革職嗣後有審音不詳草率令其考試者照收考送考官之例降級其行查不據寔呈報者照出結官之例革職疏內又稱匪類賄買舉人南籍六七千金不等北籍重者不過三千是以不肖官員身係南籍令其子姪甥婿假冒北籍者甚多此等公肆欺罔雖褫革不足儆辜今嚴虞惇等僅議降級調用恐此後有加級紀錄者無復顧忌等語查冒籍舉人之父因無



議處定例是以將嚴密陳彙蘇之父比例降級後四川昌籍金志學劉子贊之父奉

旨休致嗣後如有昌籍之父在現任地方令其子昌籍者照金志學劉子贊之父例革職凡代爲營謀者俱從重治罪若不肖之徒賄買舉人或被科道糾參或被旁人首告事發之日從重治罪又吏部尙書陳廷敬等疏稱昌籍中式舉人惟處分學臣及地方官無議處主考官之例主考官亦無檢舉昌籍之例查稽核昌籍乃學臣及地方官教官之專責收考送考出結之人員理宜議處至主考官專司校文入簾封閉糊名易書何人之字跡尙且不知又何從而知其昌籍竊思主考罪在不公不明責之檢舉昌籍似非所重嗣後中式昌籍舉人其收考送考出結之官并學臣及地方官教官仍照定例處分外其主考官應免其議處如主考官不寔心盡職徇情作弊及出闈之後倘有不遵定限回京借端生事逗遛地方者或被科道及督撫糾參將正副主考官交與該部嚴加議處俱照吏部所題行俟

命下之日載入例冊通行直隸各省遵行可也康熙三十九年六月初五

日奉

旨依議

冒籍不首治罪

禮部爲頂冒寔科場之大弊定額出

聖主之洪仁懇

勅嚴禁以光文治事會議得刑部右侍郎王景曾等疏稱各省鄉試立有定額會試按省較人

欽定數目均平無偏但順天爲畿輔之地五方雜處每遇科場卽有頂冒所以三十九年御史鄭惟孜有敬陳頂冒一疏乃日久懈弛而近年



尤甚祈

勅下九卿議定請照三十九年自行投首之例兩月內改回原籍如逾限不行出首一經叅揭交送刑部治罪等語查定例如祖父入籍二十年以上墳墓田宅俱有的據方准赴試康熙三十九年原任御史鄭惟孜條奏敬陳頂冒一疏經九卿議覆凡在京冒籍舉人貢監生員以部文到之日爲始限兩個月內許令其具呈自首禮部查明改歸原籍肄業如過期者不准行仍照例黜革等因具題奉

旨依議欽遵在案今經年久有不遵行者亦未可定相應再行嚴飭如有從前直隸頂名冒籍進士舉人貢監生員以部文到之日爲始限兩個月內許令其具呈自首申報禮部查明改歸原籍肄業如有過期不行呈首被旁人告發者黜革交送刑部其頂冒與受之人俱比照假官吏治罪并通行直隸各省照此例遵行又疏稱大宛二縣童生

除審音保廩外仍取同鄉京官保結方准收考如該縣審音不寔保廩及同鄉官濫行出結一并嚴加處分等語查定例大宛兩縣童生應試惟以保廩審音爲憑若令取具同鄉京官保結方准收考恐滋夤緣抑勒之弊嗣後大宛兩縣童生應試應令該縣審音的寔出具並無頂冒印結同廩生保結申送順天府轉送學臣方准收考如有審音不實濫行保結者審音官照狗庇例處分保廩黜革康熙六十年十二月初九日奉

旨依議

北闈中式取同鄉京官連名保結填寫親供送部

禮部爲頂冒寔科場之大弊等事會議得刑部右侍郎王景曾等疏稱各府鄉試生監中式後應取同鄉京官連名保結方准填寫親供會試亦照此例等語查各府鄉試生監中式後俱赴順天府府丞衙門



填寫親供送部查對但恐有不肖之徒頂名冒籍亦未可定嗣後中式舉人取具同鄉京官連名保結填寫親供一并送部其會試中式後並無填寫親供之例應將取具印結之處無庸議可也康熙六十年十二月初九日奉

旨依議

學臣考取冒籍并出結官處分

吏部覆順天鄉試將冒籍汪鴻璵以爲北方之人出具印結之中城兵馬司指揮薛宣若將王元衡等以爲北方之人考取生員之學院朱阜俱交與吏部議查先經浙撫線一信疏叅林源父子俱係奴僕考取生員臣部以林源等係該縣並教諭等錄取童生送考入學如知縣教諭等一體議處稍過將浙學顏光燾降二級留任應將原任順天學院朱阜亦降二級留任再康熙十六年順天鄉試顧用霖等冒

籍將出結之大使趙國用等革職在案又先經西城兵馬司指揮俞允捷等出給吳廷禎等冒籍印結臣部將俞允捷照趙國用例革職兵馬司指揮薛宣若將南方人汪鴻璵以爲北方人出具印結不合將薛宣若亦應革職康熙三十六年二月奉

旨朱阜着降二級留任餘依議

前官考取學冊未經察出

欽定則例 禮

一旂下人經前官考取入學後官解部學冊未經察出者罰俸六個月  
前官失察冒籍生員成案

吏部覆直撫李光地咨已卯科冒籍新城縣中式已革舉人王亨喬係教諭兼攝訓導事趙煜驗文徑送學院原未出結等因前來查定例內旂下人經前官考取入學後官解部學冊未經察出者罰俸六個月等語應將新城縣教諭兼攝訓導事趙煜照此例罰俸六個月



康熙三十九年十一月奉

旨依議

假冒入學

吏部為蠹國殃民事覆直撫于成龍題平穀縣投充人趙宗參假冒入學一案將考取錄取入學之霸昌道許兆麟降一級考取入學之學臣李應豸降一級各有抵銷免其調用接管知縣余學昌據考定成案濫送入試罰俸六個月康熙二十八年九月奉

旨依議

蜀省流寓懇荒准其考試

戶部為敬陳蜀省墾荒等事覆川督葛思泰題議得川省民少荒多惟流寓人子弟准其考試則永為任籍地畝得開嗣後流寓之民情願在川省墾荒居住者將地畝給與永為已業伊等子弟即准其入籍

考試其未懇荒人之子弟不准考試若因川省人稀易于考試中式之後回籍往別省居住者永行禁止若有違禁回籍往別省居住者該督撫察出題叅從重議處康熙二十九年十二月奉

旨依議

土司考試并禁冒籍及改歸例

禮部覆廣撫彭鵬疏嗣後令土官土目弟男子姪內有情願考試者先送附近儒學讀書確驗鄉音果係土官土目弟男子姪方准報明本府准試若不係土官土目弟男子姪土官濫送讀書教官不行詳察鄉音輒行收送試官竟行收考及土目子弟有情願考者土官禁遏與試者該撫題叅俱交該部嚴加處分再查在京冒籍勒限令其自首改歸原籍肄業出結等官自行檢舉在案相應將粵西冒籍之人亦照此例勒限改歸原籍肄業原出結等官亦令其自行檢舉又疏



稱本州縣大半他州縣撥入今奉通行嚴禁違者許儒童出首等語查臣部等衙門准直撫李光地疏凡同鄉異府同府異縣冒籍進學生員已前免查已後嚴禁等語嗣後如有彼州縣撥此州縣入學卽許儒童出首將不行查出之官員該撫題叅交與該部照例從重治罪康熙四十年五月奉

旨依議

貴州苗民與漢人一體科舉并土人准用流官

禮部爲苗民久入版圖苗族宜沾

聖化請開上進之途以弘文教以變苗俗事該臣等會議得貴撫于準疏稱貴州地方遍處皆苗自我

皇上御極以來遐荒天末莫不仰沾

德化惟獨苗民未沐

鈞陶間有一二苗民志切上進因土人無用流官之例不准考試科舉臣愚以爲各府州縣置立義學將土司承襲子弟送學肄業以俟襲替其舍餘族屬人等並苗民之俊秀子弟願入學者令入學肄業令各府州縣復設訓導躬親教諭俟有文理明通者照依湖廣學臣潘宗洛所題不論土司族屬苗民卽由該訓導造冊呈送學臣考試卷面不必分苗漢取進之額不必加增惟以衡文爲去取一體科舉一體廩貢倘果人文蔚起鄉試歲試再請增額至于教官如能教訓有方使苗民文理優通克副賓興之時者臣等查明寔跡卓荐獎勵倘有怠惰廢弛卽行斥革以示勸懲臣常考貴州通誌漢唐元明以土人用爲流官者頗不乏人土人不用流官之例似宜更正再將貴州各府土官土目弟男子姪及吳邁詔等七十一名文試生員一併准照粵西之例與漢人一體考試科舉庶仕進有階亦不致向隅之泣矣



等語相應如該撫所請貴州各府州縣置立義學將土司承襲子弟送學肄業以俟襲替其族屬人等併苗民子弟願入學者令入學肄業該府州縣復設訓導躬親教諭其苗民考試照湖廣之例卽以民籍應試土官土目弟男子姪及三十六年取進士司文武生吳邁詔等七十一名照廣西之例土日子弟有情願考試者一體考試其增額之處俟人文充盛該撫另行題請再查康熙二十二年覆原任兵部侍郎席爾達等具題內土人無用流官之例奉

旨依議欽遵在案應將該撫所題以土人用爲流官之處無庸議可也康熙四十四年四月奉

旨這事情俱照該撫所題行

斥革生員改名入學成案

吏部議順天府丞崔澄疏生員焦馨原名焦天覆因科場對讀不清

斥革治罪改名入學該縣不加詳查違例考取生員應將原任固安

縣知縣任一元照例降一級調用固安縣教諭劉鴻業訓導崔璿狗

情隱庇均革職康熙三十九年十一月奉

旨依議

狗庇仕僞之人出結應試

吏部爲欽奉

上諭事議得福撫下永譽疏稱建陽縣武舉徐炆先曾仕僞後與民人詹

兆賜爭山許告案內查出已經革去武舉其當年具結送試府縣職

名咨准吏部移臣題參行據該司詳稱徐炆于康熙十九年庚申科

中式武舉二十一年壬戌科會試出結之官係原任建陽縣知縣朱

之璉等相應題參等因前來查定例內官員將黜革之人入考者或

將旗下人考試武生武舉武進士者均降一級調用等語原任建陽



縣知縣朱之璉將徐焄緣由不行查出狗庇出結不便照此例議處  
 應將原參建陽縣知縣今陞江南亳州知州朱之璉照狗庇例子知  
 縣任內降三級調用查朱之璉有加四級應銷去加三級抵降三級  
 免其調用康熙三十五年八月奉

旨依議

混行收考 欽定則例 禮

一定例官員將黜革之人入考者或將旗下人考武生武舉武進者均

降一級調用

收試奴隸

吏部為豪棍敗倫傷化等事覆浙撫線一信題前事查林源父子俱係  
 奴僕考取生員該管官并保結之人均應查議但本犯之罪援

赦宥免均應免議保結之蔡芳雄等俱應照不應重律各杖八十均在




赦前免罪其原任仁和縣知縣趙世安于林源加劄納監應將混給印結  
 之原任知縣已陞福建興化府同知趙世安照例革職又原任仁和  
 縣知縣已陞江南邳州知州張士伸照例降二級調用見任仁和縣  
 教諭包映奎訓導唐彪均照例亦各降二級調用俱無級可降相應  
 革職學院顏光敏亦應照例降二級調用康熙三十五年十月二十  
 五日奉  
 旨顏光敏着降二級留任餘依議

例案全集卷之三終



二心二羅







上海圖書館藏



